


T CHL 2720.1132

64

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 20 1932

明史彙編卷一百四十五至一百四十六



明史藁

列傳第一百四十五

光祿大夫

經筵講官明史總裁戶部尚書加七級

臣王鴻緒奉

敕編撰

曹文詔

艾萬年

湯九州

楊世恩

陳于王

侯良柱

張令

猛如虎

劉光祚

虎大威

孫應元

姜名武

王來聘 鄧祖禹

劉國能

李萬慶

周遇吉

曹文詔大同人勇毅有智略從軍遼左歷事熊廷弼孫承宗積功至游擊崇禎二年冬從袁崇煥入衛京師明年二月總理馬世龍昇所賜尚方劍令率參將王承胤張叔嘉都司左良玉等伏玉田枯樹洪橋鏖戰有功遷參將又從世龍等克

哈佛大學哈佛藏書印

大安城及鮎魚諸關以與復四城功加都督僉事七月陝西賊熾擢延綏東路副總兵賊渠王嘉胤久據河曲四年四月文詔克其城嘉胤脫走轉掠至陽城南山文詔追及之其下斬以降以功擢臨洮總兵官點燈子自陝入山西文詔追之及於稷山諭降七百人點燈子遁尋被獲伏誅李老柴獨行狼陷中部巡撫練國事延綏總兵王承恩圍之五月慶陽賊郝臨庵劉道江援之會文詔西旋與榆林參政張福臻合勦馘老柴及其黨一條龍餘黨奔摩雲谷副將張弘業游擊李明輔戰死文詔乃與游擊左光先崔宗蔭李國奇分勦綏德宜君清澗米脂賊戰懷寧川黑泉峪綿湖峪封家溝皆大捷掃地王授首紅軍友李都司杜三楊老柴者神一魁餘黨也

屯鎮原將犯平涼國事檄甘肅總兵楊嘉謨副將王性善扼之賊走慶陽文詔從邠州間道與嘉謨性善合五年三月大戰西濠斬千級生擒杜三楊老柴餘黨糾他賊掠武安監陷華亭攻莊浪文詔嘉謨至賊屯張麻村官軍掩擊賊走高山游擊曹變蛟馮舉劉成功平安等謀而上賊潰走變蛟者文詔從子也會性善及甘肅副將李鴻嗣參將莫與京等至共擊敗之咸寧關又敗之關上嶺追至隴安嘉謨變蛟夾擊復敗之賊餘眾數千欲走漢南為游擊趙光遠所遏乃走張家川其逸出清水者副將蔣一陽遇之敗都司李宮用被執文詔乃縱反間給其黨殺紅軍友遂蹙敗之水落城追至靜寧州賊奔據唐毛山變蛟先登殄其眾可天飛郝臨庵劉道江

爲王承恩所敗退保鐵角城獨行狼李都司走與合可天飛
劉道江遂圍合水文詔往救賊匿精銳以千騎逆戰誘抵南
原伏大起城上人言曹將軍已歿文詔持矛左右突匹馬縈
萬衆中諸軍望見夾擊賊大敗僵屍蔽野餘走銅川橋文詔
率變蛟舉嘉謨及參將方茂功等追及之大戰陷陣賊復大
敗尋與寧夏總兵賀虎臣固原總兵楊麒破賊甘泉之虎兇
凹麒復追賊安口河崇信窰白茅山皆大獲總督洪承疇斬
可天飛李都司於平涼降其將白廣恩餘賊分竄文詔追擊
之隴州平鳳間十月三戰三敗之遂蹙賊耀州錐子山其黨
殺獨行狼郝臨庵以降承疇戮四百人餘散遣關中巨寇略
平巡撫御史范復粹彙奏首功凡三萬六千六百有奇文詔

功第一嘉謨次之承恩麒又次之文詔在陝西大小數十戰
功最多承疇不爲敘巡按御史吳牲推獎甚至復粹疏復上
兵部抑其功卒不敘當是時賊見陝兵盛多流入山西其魁
紫金梁混世王姬關鎖八大王曹操闖塌天興加哈利七大
部多者萬人少亦半之蹂躪汾州太原平陽御史張宸極言
賊自秦中來秦將曹文詔威名宿著士民爲之謠曰軍中有
一曹西賊聞之心膽搖且嘗立功晉中而秦賊滅且盡宜勅
令人晉協勦於是命陝西山西諸將並受文詔節制六年正
月抵霍州敗賊汾河孟縣追及於壽陽巡撫許鼎臣遣謀士
張宰先大軍嘗賊賊驚潰六月文詔追擊之斬混世王於碧
霞村餘黨爲猛如虎逐走遇文詔兵方山復敗五臺孟定襄

壽陽賊盡平鼎臣命文詔軍平定備太原東張應昌軍汾州備太原西文詔連敗賊太谷范村榆社太原賊幾盡帝以文詔功多敕所過地多積糗糧以犒并敕文詔速平賊山西監視中官劉中允言文詔勦賊徐溝孟定襄所司不給米反以砲石傷士卒帝卽下御史按問三月賊從河內上太行文詔大敗之澤州賊走路安文詔至陽城遇賊不擊自沁水潛師還擊之斬首千餘四月賊屯潤城其他部陷平順殺知縣徐明揚文詔至賊走乃夜半襲潤城斬賊千五百紫金梁老回回自榆社走武鄉過天星走高澤山文詔皆擊敗他賊圍涉縣聞文詔破賊黎城解去五月帝遣中官孫茂霖爲文詔內中軍賊犯沁水文詔大敗之擒其魁大虎又敗之遼城毛嶺

山西賊旣累敗乃避文詔鋒多流入河北帝乃命文詔移師往討而賊已敗鄧玘兵於林縣文詔率五營軍夜襲破之七月大敗懷慶賊馘其魁滾地龍又追斬老回回於濟源文詔在淇洞時與里居御史劉令譽忤及是令譽按河南而四川石砮士官馬鳳儀軍敗沒於侯家莊賴文詔馳退賊甫解甲與令譽相見語復相失文詔拂衣起面叱之令譽怒遂以鳳儀之敗爲文詔罪部議文詔怙勝而驕乃調之大同七年七月

大清兵西征插漢還師入大同境攻拔得勝堡參將李全自經遂攻圍懷仁縣及井坪堡應州文詔偕總督張宗衡先駐懷仁固守八月圍解卽移駐鎮城挑戰敗還已而靈丘及他

屯堡多失陷

大清兵亦旋十一月論罪文詔宗衡及巡撫胡沾恩並充軍邊衛令甫下山西巡撫吳牲薦文詔知兵善戰請用之晉中乃命爲援勦總兵官立功自贖當是時河南禍尤劇帝已允兵部議敕文詔馳勦河南賊牲復抗疏力爭請令先平晉賊後入豫帝不許而文詔以牲有恩竟取道太原爲牲所留會賊高加計已殲而鳳陽告陷遂整兵南以八年三月會總督洪承疇於信陽承疇大喜卽令擊賊隨州文詔追斬賊三百八十有奇四月承疇次汝州以賊盡入關中議還顧根本分命諸將扼要害檄文詔入關文詔乃馳至靈寶謁承疇承疇以賊在商雒聞官兵至必先走漢中而大軍由潼關入反在

其後乃令文詔由閩鄉取山路至雒南商州直擣賊巢復從山陽鎮安洵陽馳入漢中遏其奔軼曰此行也道路回遠將軍甚勞苦吾集關中兵以待將軍拊其背而遣之文詔躍馬去五月五日抵商州賊去城三十里營火滿山文詔夜半率從子參將變蛟守備鼎蛟都司白廣恩等敗賊深林中追至金嶺川賊據險以千騎逆戰變蛟大呼陷陣諸軍並進賊敗走變蛟勇冠三軍賊中聞大小曹將軍名皆怖懼已而闖王八大王諸賊犯鳳翔趨汧陽隴州文詔自漢中馳赴賊盡向靜寧泰安清水秦州間衆且二十萬承疇以文詔所部合張全昌張外嘉軍止六千衆寡不敵告急於朝未得命六月官軍遇賊亂馬川前鋒中軍劉弘烈被執俄副將艾萬年柳國

鎮復戰死文詔聞之瞋目大罵亟詣承疇請行承疇喜曰非將軍不能滅此賊顧吾兵已分無可策應者將軍行吾將由涇陽趨淳化爲後勁文詔乃以三千人自寧州進遇賊真寧之湫頭鎮變蛟先登斬首五百追三十里文詔率步兵繼之賊伏數萬騎合圍矢蝟集賊不知爲文詔也有小卒縛急大呼曰將軍救我賊中叛卒識之悉賊曰此曹總兵也賊喜圍益急文詔左右跳蕩手擊殺數十人轉鬪數里力不支拔刀自刎死游擊平安以下死者二十餘人承疇聞拊膺大哭帝亦痛悼贈太子太保左都督賜祭葬世廕指揮僉事有司建祠春秋致祭文詔忠勇冠時稱明季良將第一其死也賊中爲相慶弟文耀從兄征討數有功河曲之戰斬獲多後擊賊

忻州戰死城下詔予贈卹從子變蛟自有傳

艾萬年米脂人由武學生從軍積功至神木參將崇禎四年從曹文詔復河曲點燈子入山西萬年從文詔連敗之桑落鎮花地窰霧露山都司王世虎守備姚進忠戰死賊退屯石樓之康家山西拒河三十里綏德知州周士奇守備孫守法伏兵舍峪渡河襲殺之五年從參政樊一蘅討平不沾泥山西告警隸文詔東征與李卑一月奏五捷又與賀人龍敗八大王埽地王兵明年賊將東遁連破之延安山亢義村賈寨村擢副總兵初山西旣中賊其土寇亦乘間起三關王剛孝義通天柱臨縣王之臣皆殘破城邑後見賊衰相繼歸順然陰結黨不散巡撫戴君恩新視事謀誅之七月正月迎春召

王剛宴殺之并殺通天柱於他所而萬年亦捕殺王豹五與其黨領兵王生禽翻山動姬關鎖掌世王獻俘京師晉中巨盜略靖豹五即之臣也有議君恩殺降者給事中張第元力言諸賊蹂躪之慘請錄萬年功萬年適遘疾告歸尋加署都督僉事八年二月上疏言臣仗劍從戎七載復府谷解孤山圍救清水黃甫木瓜十一營堡轉戰高山設伏河曲有馬鎮虎頭巖石臺山西川之捷戰平陽汾州太原復臨縣及蹏亭驛大小數十戰精力盡耗與臣共事者李甲濬先朝露臣病勢淹淹猶力戰冀北又撫勦王剛豹五領兵王通天柱解散賊一萬三千有奇蒙恩許臣養病而督臣洪承疇檄又至臣不敢不力疾上道但念滅賊之法不外勦撫今勦撫俱未合

機宜臣不得不極言夫勦賊不患賊多患賊走蓋疊嶂重巒皆其淵藪兵未至而賊先逃所以難滅其故則兵寡也當事非不知兵寡因糗糧不足為苟且計日引月長以至於今雖多措餉多設兵而已不可救矣宜合計賊眾多寡應用兵若干餉若干度其足用然後審察地利用正用奇用伏用間或擊首尾或衝左右有不即時殄滅者臣不信也次則行堅壁清野之法困賊於死地然後可言撫蓋羣賊攜妻挈子無城柵無輜重暮楚朝秦傳食中土以剽掠為生誠令附近村屯移入城郭儲精兵火器以待之賊衣食易盡生理一絕鳥驚鼠竄然後選精銳據要害以擊之或體陛下好生之心誅厥渠魁宥其脅從不傷仁不損威乃撫勦良策帝深嘉之下所

司議行然卒不用其策以致賊日熾尋授孤山副總兵戊平涼當是時總督洪承疇迫六月滅賊之期急進戰諸將見賊衆兵寡咸自揣不敵而勢不可止萬年及副將劉成功柳國鎮游擊王錫命合兵三千以六月十四日至寧州之襄樂遇賊大戰斬首數百伏兵驟起圍之數重萬年國鎮力戰不支皆戰歿成功錫命負重傷歸士卒死者千餘人事聞贈恤如制

湯九州石埭人崇禎時爲昌平副總兵六年夏流賊大擾河北畿南命九州協勦與左良玉等屢破賊兵賊悉渡河而南其冬大敗過天星於吳城鎮斬首四百二十級追賊闖天王等五華集又敗之斬首六百四十餘級七年擊賊嵩縣之潭

頭斬首三百二十級賊駐商維謀再入山西左良玉迎擊於商南九州遣部將趙柱周爾敬逆之維南賊至商州返已復侵闕鄉九州病遣部將凌元機胡良翰等搜山悉敗歿九州尋赴援山西未幾以河南勦賊功加署都督僉事八年春被劾褫官從軍自效洪承疇入關以吳村瓦屋爲商南賊走內鄉浙川要地令九州偕良玉扼之尋移駐洛陽九年二月賊走登封石陽關與伊嵩賊合九州期良玉夾擊良玉半道歸九州以孤軍千二百人由嵩縣深入賊屢敗窮追四十餘里悞入深崖遇賊數萬據險攻圍九州勢不敵夜移營爲賊所乘遂戰歿從孫文瓊伏闕三上書請恤不報文瓊後亦殉難時有楊正芳者天啓間以小校從軍屢勦貴州賊積功至副

總兵敘姚江壩功加署都督同知崇禎三年擊破定番叛苗
七年賊陷當陽正芳以鎮守兵敗賊班鳩灘復其城湖廣巡
撫唐暉以獻陵惠藩爲重令正芳及總兵許成名專護荊州
承天正芳連奏金沙鋪蓮花坪白溝坪官田石門山之捷陳
奇瑜出師鄖陽正芳偕成名鄧玘從竹山竹溪白河分道進
皆大獲至十月正芳督募兵千餘援雒南戰敗及部將張上
選皆死焉一軍盡歿贈太子少師左都督世廕指揮同知再
廕一子守備賜祭葬有司建祠又有楊世恩者崇禎時歷官
湖廣副總兵七年春敗賊竹溪大雨山水驟發賊多漂溺死
餘潰走世恩疾擊斬鎮山虎等四十餘人已追賊石泉壩連
戰康家坪蚡溪功最八年冬敗賊孝感九年春祖寬大破賊

滁州世恩從盧象昇馳至復大破之十年春與秦翼明破劉
國能於細石嶺獲其魁新來虎賊陷隨州責戴罪自贖十二
年冬督師楊嗣昌令守宜城會賊羅汝才惠登相分屯興山
遠安夷陵告急嗣昌檄世恩及荊門守將羅安邦赴救至洋
坪猴兒洞道險甚嗣昌再檄召還而安邦由祚峪世恩由重
陽坪已兩道深入期至馬良坪合兵汝才登相圍之香油坪
嗣昌連發數道兵往援皆以道遠不能進世恩等被困久突
圍走黃連坪絕地無水土饑渴甚賊至兩軍盡覆世恩安邦
並死

陳于王字丹衷吳縣人世爲蘇州衛千戶旣襲職兩舉武鄉
試授奇兵營守備以捕獲海盜功遷都司僉事守崇明蛇山

盜王一爵等亂海濱于王率戰艦數十擊之羊山持刀躍入其舟生擒一爵殲其黨殆盡上官交薦遂知名天啓初經略熊廷弼用爲標下參將代者至飲于王酒暴卒其子訴于王毒殺之逮繫久不釋崇禎二年京師有警巡撫曹文衡賞其罪署前鋒游擊將兵勤王旣至兵事已解遂南還久之巡撫張國維用爲中軍守備九年賊入江北圍廬州陷和州國維遣于王守六合守備蔣若來守江浦賊方圍江浦若來急入與知縣李維樾固守賊登城若來拒却之縋下角賊矢著其頰左臂傷裹血還戰賊乃退六合無城若來與于王犄角捍賊二邑賴以全後犯宿松于王弟國計偕指揮包文達等以二千人往救文達敗歿于王驟馬入拔其弟而出十年正月

賊分犯江浦六合及安慶國維遣部將張載賡等援安慶而以新募兵二千令副將程龍及于王若來分戍二邑已而賊不至國維議赴安慶城太湖乃提龍等三將兵西上三月賊犯太湖副將潘可大將安慶兵九百龍等三將將吳中兵三千六百禦之酆家店賊先犯可大營龍等至夾擊之賊多死夜復至中伏亦敗去監軍史可法欲退扼要害諸將不從掘塹守二十四日羅汝才劉國能等七營數萬衆齊至圍數重諸將突擊頗有殺傷可法偕副將許自強馳救扼於賊鳴大砲遙爲聲援諸將亦呼譟突圍會天雨甲重不得出明日日中賊四面入將士短兵接戰可大戰死龍引火自焚死于王手執大刀左右殺賊傷重力竭北面叩頭自刎死閱十日面

色如生若來服圍人衣以免同死者武舉詹兆鵬首觸石死
陸王猷殺賊過當賊鬻分其肉死莫是驕唐世龍及千戶王
定遠皆力戰死百戶王弘猷賊鋸齒斷足罵不絕聲死士卒
脫者僅千餘人事聞贈于王昭勇將軍指揮使世廕副千戶
餘贈廕有差

侯良柱字朝石永寧衛人天啓初累官四川副總兵討奢崇
明父子復遵義城又與參議趙邦清招降奢寅黨安鑾六年
五月代李維新爲四川總兵官鎮永寧時崇明敗奔水西與
安邦彥合貴州兵數討不克崇禎二年總督朱燮元遣貴州
總兵許成名復赤水衛崇明邦彥以十餘萬衆來爭成名還
永寧賊追之銳甚良柱借監軍副使劉可訓出戰小却成名

等來援賊乃據五峰山桃紅壩越數日良柱乘賊不備與副
將鄧玘等侵早霧迫之賊大潰成名聞山上呼譟聲亦出賊
奔鵝項嶺徑長而陘人馬不能容良柱玘軍至賊復大敗死
者數萬人崇明邦彥與邦彥黨僞都督莫德並授首俘其黨
杓作等數十人積年巨寇平時稱西南奇捷四川巡撫張論
上其功不及黔將成名等怒言邦彥德乃已部將趙國璽所
斬且崇明猶未死燮元信之奏於朝兵部不能決賞久不行
御史孫徵蘭言訊俘囚阿癡楊作等咸云邦彥卽時授首灼
然非黔兵力帝卽命獻俘告廟傳首九邊川中撫按及御史
毛羽健皆訟良柱可訓功詆燮元燮元疏辨且求去賞遂格
不行良柱怨燮元不爲用至與相訐奏解職候勘久之御史

劉宗祥列上功狀七年八月始錄前功進良柱左都督世廕錦衣指揮僉事成名等亦優敘未幾復爲四川總兵官八年夏總督洪承疇大舉討賊令良柱扼賊入川路戰鳳縣三江口斬首三百七十有奇明年冬賊犯漢中瑞王遣使乞師良柱督兵援與他將同却賊十年四月川中地震者七地鳴者一占主兵賊果入犯陷南江通江帝切責良柱及巡撫王維章時良柱駐廣元盡召諸地兵九千有奇分防扼險止餘二千人賊知其勢弱五月復寇川北維章告急於朝會賊轉掠他所良柱乃撤還守隘兵專守廣元維章以爲非計上章言之十月李自成過天星混天星等陷寧羌分三道入寇良柱急拒戰於綿州衆寡不敵陣亡賊直逼成都維章方守保寧

反在外連失三十餘州縣帝大怒命逮二人下詔獄猶未知良柱死獄成維章遣戍追奪良柱官十三年良柱子指揮天錫伏闕言臣與賊不共戴天願捐貲繕甲選募勁旅及臣父舊將自當一隊與賊血戰下雪父恥上報國恩帝深嘉之命授游擊赴楊嗣昌軍立功已嗣昌言天錫所將親丁二百六十人及召募精卒五六百人皆剽悍敢戰帝益嘉之再增一秩

張令永寧宣撫司人天啓元年奢崇明反以令爲總兵從攻成都令雖爲賊用非其志崇明敗歸永寧令結宋武等乘間擒其僞丞相何若海率衆以降崇明怒殺令一家夷其先墓巡撫朱燮元言令等爲國忘家請優擢示勸命與武並授參

將後屢從大軍征討頻有功加副總兵仍視參將事後實授建武游擊崇禎中屢遷副總兵鎮川北七年流賊入犯總兵張爾奇以令爲先鋒副將陳一龍武聲華爲左右翼拒之員山令追至龍潭一龍等不至面中三矢斬賊百餘級而還已賊犯略陽令又擊敗之扼保寧漢中諸要害秦賊不敢犯十年冬李自成等陷四川三十餘州縣總兵侯良柱陣亡令獲免楊嗣昌之督師也張獻忠等悉奔興安爲令所扼不得入漢中乃轉寇夔州十三年二月大敗瑪瑙山走岔溪于江河令復與副將方國安大破之令時年七十餘馬上用五石弩中必洞胷軍中號神弩將獻忠轉入柯家坪其地亂峰錯峙箐深道險令率衆追及之分其下爲五鼓勇爭利賊衆官軍

寡國安爲後距他道逸去令獨深入被圍居絕坂中屢射賊營應弦斃者甚衆水遠士渴賴天雨以濟圍終不解襄陽監軍僉事張克儉言於總督鄭崇儉曰張令健將柰何棄之急令參將張應元汪之鳳從八台山進總兵賀人龍從滿月槽進三月八日應元等先至令方與賊鬪呼聲動山谷應元等應之內外夾擊賊乃敗去令與賊萬餘相持十三日所殺傷過當其卒僅五千耳時巡撫邵捷春駐重慶遣守黃泥窪倚令及秦良玉爲左右手後捷春移大昌以令守竹園坪防賊逸九月獻忠兵大至令力戰中矢死軍遂敗之鳳旣解柯家坪圍後與應元同守夔州之土地嶺部卒多新募獻忠盡銳來攻之鳳應元力戰賊分兵從後山下突入其營應元突圍

出之鳳走他道免山行道渴飲斗水臥血凝臆而死踰月令亦戰死軍中失二將爲奪氣

猛如虎本塞外降人家榆林積功至游擊崇禎五年擊邢紅狼於高平解其圍明年敗賊壽陽黑山覆姬關鎖軍已從曹文詔追賊西偃碧霞村斬混世王與頗希牧逐賊壽陽東又與陳國威馬杰破來遠寨從文詔大破賊范村國威以步卒三百夜劫賊紅山嶺如虎杰及虎大威和應詔擊殺九條龍尋以巡撫許鼎臣命由文水入山勦賊又與大威應詔杰由臯落山勦東犯之賊並有功賊流入畿南山西警漸息如虎仍隸鼎臣七年勦賊沁源馘五條龍如虎驍果善戰與虎大威齊名戴君恩吳牲相繼爲巡撫並委任之以功進參將其

年冬賊在河南欲乘冰北渡如虎大威扼之河濱八年二月與大威國威斬劇賊高加計山西賊盡平用牲薦加副總兵其冬以防河功加署都督僉事連歲防河及援勦河南賊勞績甚著十一年冬京師有警如虎督兵勤王明年四月擢薊鎮中協總兵官十三年坐事落職發邊方立功督師楊嗣昌請於朝令從入蜀十一月監軍萬元吉大饗將士於保寧以諸軍進止不一擢如虎爲正總統張應元副之率軍趨綿州分遣諸將屯要害而元吉自間道走射洪扼蓬溪以待賊賊方屯安岳界偵官軍且至宵遁抵內江如虎簡驍騎追之元吉應元營安岳城下以扼其歸路十二月張獻忠陷瀘州其地三面阻江惟立石站可北走元吉以賊居絕地將遣大兵

南擣其老巢而伏兵旁塞玉蟾寺蹙賊北竄永川逆而擊之
可盡殄永川知縣已先遁城中止丞簿一二人如虎覓嚮導
不可得夜宿西關空舍及抵立石賊已先渡南溪返走關中
將賀人龍軍隔水不擊賊遂越成都走漢州德陽渡綿河入
巴州明年正月嗣昌親統舟師下雲陽檄諸將陸追賊諸軍
乃盡躡賊後賊折而東返歸路悉空不可復遏如虎所將止
六百騎餘皆左良玉部兵驕悍不可制所過肆焚掠惟參將
劉士杰勇敢思立功諸軍從良玉多優閒不戰改隸如虎馳
逐山谷風雪中咸怨望謠曰想殺我左鎮跑殺我猛鎮時人
龍兵已大譟西歸所恃止如虎元吉深憂之賊自巴州至開
縣官軍追之遇諸黃陵城日晡雨作諸將疲乏請詰朝戰士

杰奮曰四旬逐賊今始及之舍弗擊我不能也執戈先如虎
激諸軍繼之士杰所當輒摧陷獻忠登高望官軍見無後繼
密抽壯騎潛行箐谷中乘高大呼馳下良玉兵先潰士杰及
游擊郭開如虎子先捷並戰死如虎率親兵力戰部將挾上
馬潰圍出旗纛軍符盡失乃收殘卒從嗣昌下荊州及嗣昌
死率所部扼德安黃州會疽發背不能戰退屯承天尋移駐
南陽十一月李自成覆傅宗龍兵乘勝來攻如虎與劉光祚
憑城固守用計殺賊精卒數千已而城破如虎持短兵巷戰
大呼衝擊血盈袍袖過唐府門北面叩頭謝上恩自稱力竭
爲賊堪死光祚字鴻基榆林衛人初爲諸生棄去承祖廕歷
官延綏游擊崇禎三年奉詔勤王與何可綱等戰灤州有功

遷汾州參將五年與游擊王尚義敗賊張有義於臨縣賊還兵犯之軍盡覆光祚僅以身免被徵未行借諸將復臨縣詔除其罪六年賊犯石樓光祚分三道擊大敗之斬隔溝飛撲天虎等六人獲首功三百七十已又數敗賊於臨縣永寧撲天飛等詐降光祚設伏斬之七年勦敗王剛餘黨斬四百餘級加署都督僉事爲山西副總兵敗賊崞縣復其城八年賊渠賀宗漢號活地草者見其黨劉浩然高加計破滅僞乞降光祚伏兵斬之晉中羣盜皆盡乃移光祚於宣府久之命率兵援勦河南十一年連敗賊白果園襄城已擢保定總兵官仍協討河南賊其冬畿輔有警馳還鎮

大清兵薄保定以光祚堅守不攻而去光祚尋從總督孫傳

庭南下明年二月

大清兵還至渾河值水漲輜重難渡諸將王樸曹變蛟等相顧不敢擊光祚恇怯尤甚視師大學士劉宇亮劾之詔卽軍前正法光祚適報武清捷宇亮乃繫之武清獄而拜疏請寬帝怒罷宇亮論光祚死十四年大學士范復粹錄囚力言光祚才武命充爲事官戴罪辦賊光祚舉廢將尤翟文等帝亦從之當是時賊已陷河南襄陽中原郡縣大抵殘破光祚士馬無幾督師丁啓睿尤怯光祚雖少有克捷而賊勢轉盛及傅宗龍敗歿於項城南陽震恐光祚適經其地唐王邀與其守城陷遂死

虎大威榆林人本塞外降卒勇敢嫻將略從軍有功累官山

西參將崇禎三年冬從總兵尤世祿擊王嘉胤於河曲力戰被傷五年從總督張宗衡勦賊陵川潞安陽城沁水連勝之明年從巡撫許鼎臣擊賊介休殲其魁九條龍時賊去山西遁據輝林武涉山中約二萬餘鼎臣令曹文詔自黎城入大威猛如虎諸將自臯落山入賊屢敗尋移大威守平陽七年巡撫吳牲至察諸將中惟大威如虎沈毅可屬兵事委任之其冬與如虎扼賊渡河高加計據崑嵐四出剽掠明年三月二將追至忻代山中加計馬上舞三十斤長挺突陣大威射殺之追斬其衆五百人餘黨悉平牲薦二人忠勇進大威副總兵其冬以扼賊功加署都督僉事九年八月畿輔被兵崇禎師入援明年春命援勦陝西賊遂代王忠爲山西總兵官上

疏言諸將討賊零級不可取生口不可貪封域不可限帝採納之十一年詔兵部甄別諸大將大威以稱職增秩其年冬京師戒嚴命總督盧象昇統大威及宣府總兵楊國柱大同總兵王樸入衛尋從象昇轉戰至鉅鹿賈莊被圍數匝象昇死焉大威等潰圍出督師劉宇亮總督孫傳庭皆言大威國柱敢勇身入重圍視他將異乞令立功自贖大威亦上章請罪帝不從卒解其任尋令從軍辦賊十四年正月李自成圍開封總督楊文岳遣大威及副將張德昌先率五千人渡河會賊已解圍去乃會河南巡撫李仙風於偃師以兵少未敢擊賊待文岳軍至與賊戰鳴臯大破之又與監軍道任棟挫賊平峪七月自成及張獻忠羅汝才攻鄧州大威從文岳擊

破之斬首千餘級陝西總督傅宗龍出關討賊文岳大威會之九月次新蔡抵孟家莊將戰秦帥賀人龍軍先潰大威軍亦潰遂奔沈丘賊連陷河南鄧許再圍開封大威從文岳援之賊引去明年二月師次鄆城督師丁啓睿總兵左良玉方與賊鏖戰文岳督大威及馮大棟張鵬翼等合擊賊大敗相持十一晝夜俘斬數千賊遂東陷陳州歸德已復圍開封七月朔啓睿文岳大威及良玉楊德政方國安之師畢會啓睿欲急擊良玉不從先走大威諸軍亦走帝夫怒立誅德政黜譴啓睿諸人大威時奔汝寧出攻賊寨中砲死乃免其罪大威爲偏裨最有聲及爲大帥值賊勢益張所將止數千人不能大有所挫然身經數十戰卒死王事論者賢之

孫應元不知何許人歷官京營參將督勇衛營勇衛營卽騰驤武驤四衛也其先隸御馬監專牧馬莊烈帝銳意修武備簡應元及黃得功周遇吉等訓練遂成勁旅崇禎九年秋從張鳳翼軍畿輔有功進副總兵再以功增秩一等明年河南賊熾應元得功慷慨請行帝壯之發卒萬人監以中官劉元斌盧九德戒毋擾民諸將奉命軍行肅然十二月大破賊鄭州再破之密縣先後斬首千七百明年正月大破之舞陽光山固始四日三捷斬首二千九百有奇賊乃謀犯江北元斌九德南趨潁州護鳳陵密遣應元得功督騎兵扼賊前自南而北破之方家集賊遂由固始走商城錄功加都督僉事已復破之新野又大破之遂平熊文燦方主撫不戰而賊憚應

元等多降降者亦不遽叛文燦以此擅撫賊功已而京師有警召應元等還賊遂無所忌帝初聞禁軍屢破賊大喜累加應元都督同知賜銀幣蟒服至是論功遂進左都督加銜總兵官世蔭錦衣副千戶十二年五月張獻忠羅汝才復叛仍命元斌九德監應元得功軍南征應元等馳至南陽會馬光玉屯浙川之吳村偽乞撫規渡漢江應獻忠浙川知縣郭守邦說降其黨許可變胡可受可變卽賊收世王可受則安世王也可變夜至處之東關可受爲光玉所持約未定應元得功趨內鄉掩其背令副將周遇吉等分道別擊之文燦所遣陳洪範亦至八月至小黃河口參將馬文豸等力戰可受敗呼曰始與許王約降者我也今歸命遇吉駐馬受之應元得

功遂進兵王家寨賊分屯南北兩山用木石塞道應元率文豸戰其南得功率副將林報國戰其北河南兵又扼華陽關賊遂大敗光玉遁免元斌至軍檄除可變可受罪授以官報先後首功三千人及楊嗣昌督師襄陽令元斌應元戍荆門護獻陵十三年七月與副將王允成王之綸監軍僉事孔貞會等大破羅汝才於豐邑坪斬首二千三百生禽五百有奇混世王小秦王皆降時稱荆楚第一功十五年春擊賊羅山力戰孤軍無援遂陣歿贈卹如制應元善戰在行間多與黃得功偕應元死得功勲益顯故其名尤震於世

姜名武字我揚保德州人舉天啓二年武會試授大同威遠守備崇禎初遷大水峪游擊築杏山城有功遷宣府西城參

將擊斬大盜王科移守宣府右衛擢通州副總兵護諸陵有功以故官典保定總督楊文岳中軍兼忠勇營團練事十五年李自成圍開封急名武從文岳往援時諸軍壁朱仙鎮者十餘萬左良玉最強一夕其軍大譟突諸營諸營驚潰其軍遂乘亂掠諸營馬羸以去於是諸營悉奔獨名武一軍堅壁不動侵晨賊大至督麾下血戰殺數百人力竭被執大罵爲賊磔死贈特進榮祿大夫右都督廕外衛世襲總旗其子援王來聘甄奇傑例乃議贈特進光祿大夫左都督世廕錦衣百戶疏上踰月而都城陷不果行來聘京師人崇禎四年中武會試時帝銳意重武舉子蓮百斤大刀者止來聘及徐彥琦二人而彥琦不與選帝下考官及監試御史獄悉貶兵部

郎二十二二人遣詞臣倪元璐等覆閱取百人視文榜例分三甲傳臚錫宴以前三十卷進呈欽定一甲三人來聘居首卽授副總兵武榜有狀元自來聘始也來聘旣拜命泣然流涕曰上重武若此欲吾儕效命疆場爾不捐軀殺賊何以報上恩明年孔有德據登州叛官軍攻之久不下又明年二月以火藥轟城城壞將士踴入輒爲賊擊退來聘復先登中傷而死天子惜之贈廕有加奇傑亦官副總兵隸楊文岳麾下從擊賊河南戰死又有鄧祖禹者蘄水人舉萬曆四十七年武會試授瀋陽守備嘗出戰中矢死夜半復甦創甚告歸崇禎初起宣府游擊入衛京師副將申甫軍歿祖禹力戰蘆溝橋擢涿州參將疏請召對不許入朝上書聲甚厲爲御史所糾

下獄然帝頗採其言久之赦出為辰沅參將擒苗酋飛天王
張五保斬首千五百級夷其巢擢副總兵轄德安黃州攻賊
土壁山盡掩所獲為已有當事將劾之請勦寇自贖乃令援
應城將七百人入城賊大至圍數重祖禹突圍保西城外賊
復圍之軍敗被執賊說降怒罵不屈賊言之再三復罵曰若
此須換却心肝賊笑曰換不難遂剖心剗肝而死
劉國能延安人始與李自成張獻忠輩同為盜自號闖塌天
崇禎三年大亂陝西已渡河而東寇山西轉掠畿南河北六
年冬入河南遂由內鄉浙川犯湖廣郟襄破數縣明年正月
入四川陷夔州折而東入鄖陽境為總督陳奇瑜所蹙走漢
南同困車箱峽已得出復大亂陝西再入河南踰江北官軍

逼之與整齊王屯商維山間九年復偕闖王蝎子塊等由郟
襄趨興安漢中總督洪承疇奔命不暇尋南走荆襄與總兵
秦翼明數戰其冬與蝎子塊等十七營窺潼關巡撫孫傳庭
扼之引而南明年聞馬光玉等將犯斬黃率眾會之直趨江
北官軍數道邀擊乃不敢東還走黃陂入木蘭山轉寇河南
敗參將李春貴兵將迫開封詔諸將發兵援乃南走黃麻當
是時總理熊文燦新至賊憚之見其下招降令頗有欲歸正
者國能先與張獻忠有隙慮為所并後又與左良玉戰敗乃
以十一年正月四日率先就撫於隨州頓首文燦前曰愚民
陷不義且十載賴公湔洗更生願悉眾入軍籍身隸麾下盡
死力文燦大喜慰撫之署為守備令隸良玉軍國能受約束

無異志已而張獻忠羅汝才亦降皆據邑自固獨國能從軍
征勦數有功明年二月從良王勤王有詔還討賊獎勵之命
兵部授官錄其部下將士曰獻忠能立功視此遂授國能副
總兵四月良王會師南陽擊李萬慶國能分擊賊潰遂招萬
慶降其秋獻忠汝才並反文燦遣國能率萬慶兵會討遂並
守鄖陽既而李自成擾河南復移守葉縣初國能爲盜時與
自成汝才輩結爲兄弟及國能歸正自成輩深恨之十四年
九月圍其城四面力攻國能不能支城遂陷被執賊猶好謂
之曰若我故人也何不降國能瞋目罵曰我初與若同爲賊
今則王臣也何故降賊遂殺之事聞贈左都督特進榮祿大
夫建祠萬慶延安人崇禎初與張獻忠羅汝才等並反賊中

所稱射塌天者是也起陝西蔓山西畿南河北渡河殘河南
出沒湖廣四川還趨鄖陽入興安困於車箱峽出險益大肆
八年春賊七十二營會滎陽議分兵隨所向令萬慶及許可
變助馬進忠橫天王西當陝兵已而諸路之賊盡萃於陝總
督洪承疇彌歲不能定益恣出沒於河南湖廣凡十五家迨
十一年春國能獻忠降萬慶等大譟而去改稱十三家勢頗
衰而文燦擁兵德安不敢擊萬慶等復大振李自成向關中
萬慶及馬光玉馬進忠羅汝才惠登相賀一龍蘭養成順天
王順義王九家最著八月進忠光王大挫於潼關九月鄖襄
賊又大敗於雙溝汝才率九營走均州萬慶率三營走光固
十一月汝才亦降自成又大敗關內勢益衰惟萬慶光玉一

龍順天王最勁而萬慶得馬士秀杜應金所劫左良玉賄富且強營麻城徙信陽十二年正月戰敗徙應山德安會光玉進忠等皆大敗進忠懼而降而順天王已死一龍養成伏深山登相遠掠秦蜀萬慶勢益孤文燦檄良玉擊之唐縣姚梁分三營肄賊逐入三山裨將王修政趨利戰死文燦收二營卒令良玉感之內鄉萬慶等在赤眉城四平岡依山結壘請降良玉慮其詐謀之文燦益調諸將陳永福羅岱金聲桓之兵會於賈宋大勦萬慶及光玉可變副將國能亦至由張家林七里河分擊賊大奔良玉遣國能以二十騎往偵且諭萬慶降萬慶馳見輸情國能遂執許州叛黨于汝虎以降處內鄉城下者四千人士秀應金見進忠萬慶降而懼復來歸有

劉喜才者夜取順義王首以獻餘黨推可變為主與胡可受皆降自是羣盜大衰至五月獻忠復叛汝才率其黨九營應之復大熾而萬慶進忠以徒衆旣散無二心萬慶願從征自効比國能給餉遂授爲副總兵與國能守鄖陽獻忠等方大亂蜀中鄖境得無事十四年獻忠突陷襄陽鄖守如故明年正月總督汪喬年討賊以萬慶從至襄城軍潰入城賊攻圍之固守五日城陷喬年死萬慶亦不屈死事聞贈都督同知榮祿大夫立祠襄城奉祀

周遇吉錦州衛人少有勇力好射生後入行伍戰輒先登積功至京營佐擊京營將多勛戚中官子弟見遇吉質魯意輕之遇吉曰公等皆紈袴子豈足當大敵何不於無事時練膽

勇爲異日用而徒糜廩祿爲同輩咸目笑之崇禎九年都城被兵從尚書張鳳翼數血戰有功連進二秩爲前鋒營副將明年冬從孫應元等討賊河南戰光山固始皆大捷十一年班師進秩受賚明年秋復出討賊破胡可受於浙川降其全部楊嗣昌出師襄陽遇吉從中官劉元斌往會會張獻忠將至房縣嗣昌策其必窺渡鄖灘遣遇吉扼守槐樹關張一龍屯光化賊遂不敢犯十二月獻忠敗於興安將走竹山竹溪遇吉復以嗣昌令至石花街草店扼其要害賊自是盡入蜀遇吉乃從元斌駐荆門專護獻陵明年與孫應元等大破羅汝才於豐邑坪又明年與黃得功追破賊鳳陽已而旋師敗他賊李青山於壽張追至東平殲滅幾盡青山遂降屢加太

子少保左都督十五年冬山西總兵官許定國有罪論死以遇吉代之至則汰老弱繕甲仗練勇敢一軍特精明年十二月李自成陷全陝將犯山西遇吉以沿河千餘里賊處處可渡分兵扼其上流以下流蒲坂屬之巡撫蔡懋德而請濟師於朝朝廷遣副將熊通以二千人來赴十七年正月遇吉令通防河會平陽守將陳尚智已遣使迎賊諷通還鎮說降遇吉叱之曰吾受國厚恩寧從爾叛逆且爾統兵二千不能殺賊反作說客耶立斬之傳首京師至二月七日太原陷懋德死之賊遂陷忻州圍代州遇吉先在代遏其北犯乃憑城固守而潛出兵奮擊連數日殺賊無算會食盡援絕退保寧武賊亦踵至大呼五日不降者屠其城遇吉四面發大砲殺賊

萬人火藥且盡外圍轉急或請甘言給之遇吉怒曰若輩何怯耶今能勝一軍皆忠義卽不支縛我子賊於是設伏城內出弱卒誘賊入城亟下閘殺數千人賊用砲攻城圯復完者再傷其四驍將自成懼欲退其將曰我衆百倍於彼但用十攻一番進茂不勝矣自成從之前隊死後復繼官軍力盡城遂陷遇吉巷戰馬蹶徒步跳蕩手格殺數十人身被矢如蝟竟爲賊執大罵不屈賊縣之高竿叢射殺之復齶其肉城中士民感遇吉忠義咸巷戰殺賊不可勝計其舍中兒先從遇吉出鬪死亾略盡夫人劉氏素勇健率婦女數十人據山巔公解登屋而射每一矢斃一賊賊不敢逼縱火焚之闔家盡死自成集衆計曰寧武雖破吾將士死傷多自此達京師歷

大同陽和宣府居庸皆有重兵倘盡如寧武吾部中寧有子遺哉不如還秦休息圖後舉刻期將遁而大同總兵姜瓖降表至自成大喜方宴其使者宣府總兵王承蔭表亦至自成益喜遂決策長驅抵大同宣府抵居庸太監杜之秩總兵唐通復開門延之京師遂不守矣賊每語人曰他鎮復有一周總兵吾安得至此福王時贈太保諡忠武列祀旌忠祠

高名衡

李夢辰

宋師表

徐沂

鹿善繼

麻格

再傷其四號將自成懼欲退其將曰我衆百倍於彼但用十
攻一番進萬不勝矣自成從之而隊死後復繼官軍力盡賊
縣其吾安時至此賊王部觀太守鑄忠死賊賊忠賊
賊賊開門致之京响遂不守矣規其語人曰此賊賊首一風
益喜遂夷策身圖避大同宣武縣其王承菊自死
表至自如大喜文其功昔宣武縣其王承菊自死
貴姓不取嚴禁村息圖避其賊賊而大
大同則其宣武縣其王承菊自死

明史藁

列傳第一百四十六

光祿大夫

經筵講官明史總裁戶部尚書加七級臣王鴻緒奉

敕編撰

賀逢聖

傳 冠

南居益

周士樸

呂維祺

馬從聘

王家禎

張伯鯨

宋 玫

沈 迅

焦源溥

高名衡

王 漢

李夢辰

宋師襄

徐 沂

鹿善繼

麻 僖

賀逢聖字克繇江夏人舉於鄉家貧就應城教諭萬曆四十
四年由殿試第二人授翰林編修天啓時歷官洗馬魏忠賢
聞湖廣生祠上梁文出逢聖筆特詣之逢聖曰此借銜陋習

耳予安能數千里外爲人作文忠賢嗚然去誣以營求典試
削其籍莊烈帝卽位起故官崇禎元年累遷少詹事遭外艱
廬墓三載還朝進詹事拜禮部右侍郎改吏部進左尋擢禮
部尚書九年六月以本官兼東閣大學士入閣輔政尋加太
子太保改文淵閣溫體仁罷歸張至發爲首輔逢聖與善給
事中丁允元劾其引宵人汪應龍詆斥正人高攀龍左光斗
而至發許黃道周逢聖爲屬草時論非之十一年致政歸歷
陳道中所見災傷及郵傳困敝狀報聞十四年與周延儒同
召還朝帝待之不如延儒遠甚充位而已明年正月朔旦帝
行尊師禮揖輔臣皇極殿逢聖亦與焉屢疏引疾至六月得
請帝將擢置閣臣名延儒逢聖等賜坐德政殿逢聖謝恩大

哭不止駕移中極殿諸輔臣隨入賜宴逢聖復大哭拜跪十
數不已衆咸怪之詔賜道里費八十金彩幣四表裏大紅蟒
衣一襲遣行人護歸瀕行疏謝因救尚書李日宣等帝優詔
荅焉十六年六月張獻忠圍武昌逢聖晨夕登陴與士卒同
饑困數日城陷亟詣楚王府邀與同死不知王所在遂被賊
執叱之曰我朝廷大臣若輩不得無禮賊麾使去乃北向五
拜三稽首投墩子湖死妻危氏子觀明子婦曾氏陳氏孫三
人皆從死次子光明自他所來赴亦死之事定有司覓其屍
閱八日顏色不變福王時贈少傅諡文忠祭葬蔭子如制逢
聖居相位無可稱然生平苦節自甘東修砥行其學以一念
不起爲極晚節一門殉難洵不易所守云莊烈帝時執政五

十人孫承宗逢聖范景文皆死國其後復有傅冠冠字元甫
進賢人祖爛南京刑部尚書天啓二年冠舉進士第二授翰
林編修崇禎中累官禮部右侍郎十年八月拜禮部尚書兼
東閣大學士有章奏發自御前者冠以爲揭帖援筆判其上
旣知悞皇恐引罪帝卽放歸唐王時命以原官督師恢復江
西或劾其嗜酒乃許致仕

大清下江西冠寓居門人秦寧汪亨龍家亨龍執以獻有司
不屈被僇於汀州血漬地久而猶鮮汀人歎其忠

南居益字思受渭南人尚書企仲族子師仲從子也曾祖從
吉與曾伯祖大吉皆進士兩人子姓科第相繼企仲大吉孫
萬曆八年進士以祖母年高請終養爲張居正所惡下撫按

勘問祖母旣歿授刑部主事客寓貲其家夫婦並歿企仲呼
其子還之吏部尚書孫丕揚以爲賢調爲已屬歷文選郎擢
太僕少卿進太僕卿三十年帝以疾詔免礦稅釋繫囚錄建
言貶斥諸臣旣而悔之命礦稅如故餘所司議行吏刑二部
尚書李戴蕭大亨遲數日未奏企仲請亟罷二人而敕二部
亟如詔奉行帝大恚傳諭亟停二事落企仲一官給事中蕭
近高御史李培余懋衡亦請信明詔帝益怒並奪其俸且命
益重前貶謫官鄒元標等罰欲以鉗言者諸閣臣力爭乃止
而給事中張鳳翔迎帝意劾企仲爲吏部時嘗擠同官武之
望故假建言博名遂削籍天啓初起太常卿累遷南京吏部
尚書以老致仕師仲父軒吏部郎中嘗著通鑑綱目前編師

仲至南京禮部尚書居益少厲操行舉萬曆二十九年進士授刑部主事御史曹學程繫獄十年居益提牢言學程有母年九十餘陛下方以聖母徽號推恩海內柰何獨斬此一人不報三遷廣平知府擢山西提學副使鴈門參政繕治亭障省費萬計歷按察使左右布政使並在山西天啓二年入爲太僕卿明年擢右副都御史巡撫福建海外紅毛夷者國名和蘭自昔不通中土由大泥咬啣吧三國通閩商萬曆中奸民引其人據澎湖求市巡撫徐學聚令轉販之二國二國險遠商舍而之呂宋夷人疑呂宋邀商舶攻之又寇廣東香山澳皆敗不敢歸國復入澎湖求市且築城焉巡撫商周祚拒之乃屢肆侵犯會倭益代周祚賊方犯漳泉招日本大泥咬

啣吧及海寇李旦等爲助居益使人招旦說攜大泥咬啣吧賊帥高文律懼遣使求款斬之決策進討築城鎮海港賊退保風櫃將士逼之相持二旬賊窮蹙泛舟去文律拒守攻擒之海患乃息五年遷工部右侍郎總督河道魏忠賢銜居益叙功不及已格其賞給事中黃承昊復論居益倚傍門戶躐躋通顯遂削籍去閩人詣闕訟之不聽乃立祠以祀勒碑於澎湖及平遠臺崇禎元年起戶部右侍郎總督倉場陝西鎮缺餉至三十餘月居益請以陝賦當輸關門者留三十萬紵其急報可畿輔戒嚴居益在通州爲城守計甚備會工部尚書張鳳翔坐軍械不具下吏四司郎中瘐死者三遂召居益代鳳翔未幾試礮而炸兵部尚書梁廷棟劾郎中王守履失

職守履懼詆兵部郎中王建侯誣已廷議不如守履言遂下獄居益疏抹帝以爲徇私削籍歸廷杖守履六十斤爲民尋叙城守功復居益冠帶十六年李自成陷渭南責南氏餉一百六十萬金仲年八十三遇害賊誘降居益及金仲子禮部主事居業皆不從明年正月賊遣兵擁之去加炮烙二人終不屈絕食七日而死

周士樸字丹其商丘人萬曆四十一年進士除曲沃知縣泰昌元年徵授禮科給事中累遷工科都給事中中官王添爵選淨身男子索賄激變守陵劉尚忠鼓陵軍挾賞劉朝等假齎送軍器名出行山海外勢洶洶織造李實許周起元羣瑤索冬衣辱尚書鍾羽正士樸皆疏爭居垣中數年數與中官

相搯拄深爲魏忠賢所惡會當擢京卿忠賢持不下士樸遂謝病歸崇禎元年起太常少卿歷戶部左右侍郎拜工部尚書帝命中官張彝憲監戶工二部出納士樸恥與共事數相齟齬彝憲計於帝士樸疏對詞直帝無以難以和衷慰勉而心甚銜之未幾駙馬都尉齊贊元以遂平長公主塋價士樸不引瑞安大長公主例而壽寧大長公主薨則引瑞安例上疏醜詆之帝遂削其籍十五年廷臣交薦不召其年八月李自成陷商丘與妻曹氏妾張氏子舉人業熙子婦沈氏同日縊死

呂維祺字介孺新安人祖母牛氏以守節被旌父孔學事母盡孝晚年捐粟千二百石賑饑兩旌孝義維祺舉萬曆四十

一年進士授兗州推官擢吏部主事更歷四司光宗崩皇長子未踐阼內侍導幸南城維祺謁見慈慶宮抗言梓宮在殯乘輿不得輕動乃止退陳保護聖躬極言左右侍御之宜慎因請罪崔文昇李可灼速李選侍移宮報聞天啓初歷考功文選員外郎進驗封郎中乞假歸四年推考功郎中魏忠賢惡其異已不用開封建忠賢生祠遺書士大夫戒使勿預忠賢毀天下書院維祺立芝泉講會祀伊洛七賢講論不輟崇禎元年起尚寶卿遷太常少卿督四夷館明年四月廷議軍餉維祺奏陳十五事且論行鈔之利惟鈔法議格餘多允行其冬奏防微八事言陛下初勤批答近始有留中者留中多則疑慮起當防者一初虛懷商榷及擬旨不當乃改擬徑行

其中固有當執奏者安得廢匡救當防者二初本無疑厭疑厭皆諸臣自取乃偏黨說起共夔並進當防者三初日御講筵近始傳免當防者四初寡嗜欲慎宴游近或偶涉當防者五初慎刑獄今有下詔獄者且登聞頻擊恐長譴訟風當防者六初重廷推今間用陪者非常典當防者七初樂讜言今雷霆時震當防者八俄陳純聖德熙聖治三事並優旨報之三年由太常卿擢南京戶部右侍郎總督糧儲馳疏陳道中所見民生憔悴及倉庾空匱狀帝命核致匱之由因言北部借支折色九十三萬兩有奇貴州及漕運借支本色二百五十一萬石有奇是以甚匱維祺乃設會計簿鈎考隱沒侵欺及積逋不輸者各數十百萬大者彈奏小者捕治又立法嚴

督屯課倉庾漸充尋疏言天下大可憂者非止一端而財用不足爲最甚因條上六議曰稽出入以杜侵漁增比較以完積案設本科以重題覆時會計以覈支收定差序以杜營私禁差假以修職業帝稱善卽行之四年冬遣中官出鎮維祺抗疏切諫并責閣臣不能匡正詞甚鯁直已又極陳蕪湖設關之害請停罷不從六年拜南京兵部尚書參贊機務清冑伍八千餘名軍政修舉八年正月流寇犯江北遣參將薛邦臣防全椒趙世臣戍浦口無何世臣潰走南京震動而鳳陽旋告陷會大計拾遺兩京言官交章劾奏詔解任南京言官復劾其他事遂除各維祺嗜正學私淑孟化鯉在兗州及南都皆集諸生講學歸寓洛陽立伊洛會以迪後進及閉者二

百餘人十二年河洛大饑盡出私廩賑濟詔復其官十四年正月李自成大舉寇洛陽維祺分守北城總兵王紹禹親軍內陷維祺被執詬罵求速死北向拜君西向拜父母延頸就刃年五十有五贈太子少保祭葬廕子如制福王時加贈太傅諡忠節弟維祐字泰儒由選貢生爲樂平知縣解職歸十六年賊陷新安亦抗節死贈按察僉事

馬從聘字起莘靈壽人萬曆十七年進士授青州推官決獄有聲擢御史勸衛李宗城冊封平秀吉逃歸從聘言其父言恭不當復督戎政不從出理兩淮鹽課言近日泰山崩離析者一里有餘由開礦斷地脉所致不可不速罷不報奸人田應璧請掣賣沒官餘鹽助大功帝卽遣中官魯保督之從聘

極陳其欺罔狀不從還朝改按浙江又按蘇松疏論蘇松常
鎮增稅課之害乞減免不報以久次擢太僕少卿拜右僉都
御史巡撫延綏失事奪俸既有擣巢功會引疾歸兵科趙
興邦請叙不報後加兵部右侍郎家居二十餘年屢薦不起
崇禎十一年冬

大清破靈壽從聘北面再拜顧三子曰吾大臣義不可辱汝
曹生無害也三子不從皆自縊從聘死年八十二贈兵部尚
書諡介敏官其一子同邑耿蔭樓字旋極天啓中任臨淄知
縣有倡邪教謀不軌者蔭樓勦破之久旱囚服暴烈日中哭
於壇雨立澍兼攝壽光事禱雨如臨淄崇禎中入爲兵部主
事調吏部歷員外郎乞假歸城破偕子參並死之贈光祿少

卿

王家禎長垣人萬曆三十五年進士天啓五年歷官右僉都
御史巡撫甘肅松山部長銀定反成擾西鄙二十餘年自家
禎受任三犯三却之先後斬首五百四十擢戶部右侍郎轉
左崇禎元年二月攝部事邊餉不以時發至七月遼東兵鼓
譟巡撫畢自肅自縊死帝大怒削家禎籍尋叙甘肅功復其
冠帶九年七月京師被兵起兵部左侍郎未幾總理盧象昇
入衛命家禎以本官兼右僉都御史總理河南湖廣山西陝
西四川江北軍務代象昇討賊會河南巡撫陳必謙罷卽命
兼之中州賊爲象昇必謙所蹙勢少衰及兩人去諸將左良
玉陳永福羅岱等彼此觀望馬進忠等復蔓南陽家禎督將

士會勦賊不敢大逞而楚人在朝者言家禎高臥汴梁置全楚度外帝下詔切責乃遣兵救襄陽大戰牌樓閣亦不能大創其冬家丁鼓譟燒開封西門家禎暮夜自外歸慰諭加犒賞發往南陽討土寇楊四乃定楊四者舞陽劇盜也與其黨郭三海侯馭民等降於陳必謙既而復叛大爲南陽汝寧患南陽同知萬年策與監紀推官湯開遠諸將良玉及牟文綬等連破之四焚死馭民三海亦爲參將陳永福副將龍在田守備劉洪起等所破擒土寇畧定是時流賊盡趨江北留都震驚良玉旣平四往援擊走賊湖北給事中羅志儒言家禎奉命討安慶賊未嘗一出中州帝以家丁之變已心輕之而給事中鍾斗亦上疏請更總理家禎遂稱病帝難其代不許

至四月以總理授熊文燦令家禎專撫河南文燦未至會安慶告警詔遣良玉赴援家禎以中原方急守便宜不遣其秋劉國能等犯開封裨將李春貴等戰歿家禎拒守賊乃去敗書聞令所司議罪文燦亦已至軍乃落職閒住十七年李自成陷京師遣兵據長垣設僞官家禎謀舉兵誅之未發爲賊所覺與子元炘並自經死

張伯鯨字繩海江都人萬曆四十四年進士歷知會稽歸安鄞三縣天啓中大計調補盧氏崇禎二年稍遷戶部主事出督延寧二鎮軍儲自黃甫川西抵寧夏千二百里不產五穀芻粟資內地賀蘭山沿黃河漢唐二渠東抵花馬池素沃野亦荒蕪甚伯鯨疏陳其狀爲通商惠工轉菽麥又倣邊商中

鹽意立官市法以招之軍民稱便大盜起延綏伯鯨參巡撫張福臻籌畫俘獲渠魁不沾泥遂擢兵備僉事轄榆林中路擊破賀思賢斬一座城金翅鵬敗套寇於長樂堡巡撫陳奇瑜上其功詔進三階爲右參政仍視兵備事七年二月奇瑜遷總督遂擢伯鯨右僉都御史代之挿漢部長合套寇入犯雙山魚河二堡督總兵王承恩等分道邀擊大破之斬首三百有奇伯鯨泣延綏久視民若子以拾遺論罷民大失望尋論延綏功有詔起用蔭子錦衣千戶十年七月楊嗣昌議大舉討賊遣戶部一侍郎駐池州專理兵食簡兩司官自隨帝以命傅淑訓明年淑訓以憂去卽家起伯鯨代之如淑訓官時熊文燦定計撫賊賊多就撫十二年春伯鯨以賊勢漸衰

請汰兵節餉不許其秋撫事敗嗣昌自出督師移伯鯨襄陽文燦之被逮也言勦餉不至者六十餘萬伯鯨坐貶秩兩司官王揚基李爲珩白衣視事其後嗣昌討賊無功賊益不可制帝數詔廷臣舉知兵者多推伯鯨十五年召爲兵部添設左侍郎明年夏左侍郎馮元飈拜尚書遂以伯鯨代元飈在告伯鯨攝部事召對萬歲山步行中寒足疾大作伏地不能起帝命中官扶出遂以疾乞休未出京而京城陷微服遁還福王立於南京伯鯨家居不出

順治二年大兵漸迫而馬士英盡撤江北兵禦左良玉伯鯨歎曰天下事不可爲矣揚州被圍與當事分城固守城破自經死

宋玫字文玉萊陽人父繼登萬曆三十二年進士歷官陝西右參議天啓五年大計謫官玫卽以是年偕族父應亨同舉進士玫授虞城知縣應亨得清豐崇禎元年玫兄琮亦舉進士知祥符而玫以才調繁杞縣三人壤地相接並有治聲應亨遷禮部主事玫亦擢吏科給事中李九成等陷登州疏上綏遼人撫島卒停加派三事所司悉議行嘗疏論用人謂陛下求治之心愈急則浮薄喜事之人皆飾詭而釣奇陛下破格之意愈殷則巧言孔壬之徒皆乘機而鬪捷衆避其言時應亨已改吏部累遷稽勲郎中落職歸玫方除母喪起故官歷刑科都給事中請熱審槩行於天下尋言獄囚稽滯瘐死與刑死者幾相半宜大有所矜釋帝採納之遷太常少卿歷

大理卿工部右侍郎玫父繼登已久廢至是爲浙江右參政大學士周延儒客盛順者爲浙江巡撫熊奮渭營內名果擢南京戶部侍郎繼登父子亦信之十五年夏廷推閣臣順爲玫營推甚力會詔令再推玫與焉帝已中流言疑諸臣有私比入對玫冀得帝意侃侃敷奏帝發怒叱退之與吏部尚書李日宣等並下獄日宣等遣戍玫除名順乃驚竄閏十一月臨清破應亨與知縣陳顯際謀城守應亨以城北庠薄出千金建甕城浹旬而畢玫及邑人趙士驥亦出貲治守具無何大清兵薄城諸人竭力拒守火礮矢石並發圍乃解明年二月

大兵復至城遂破玫應亨顯際士驥並死之顯際真定人士

驥官中書舍人並起家進士政應亨有文名沈迅亦萊陽人也崇禎四年舉進士歷知新城蠡二縣與膠州張若麒同年友善十一年行取入都結要人當得給事會檢討楊士聰劾吏部尚書田唯嘉考選行私以兩人及陸自嶽對帝親策諸臣迅若麒並得刑部主事兩人大恚恨結楊嗣昌得改兵部其年冬畿輔被兵迅請於廣平河間定州蠡縣各設兵備一人又請以天下僧人配尼姑編入里甲三丁抽一可得兵數十萬他條奏甚多章俱下兵部嗣昌盛稱迅言可用乃命為兵科給事中迅又結大奄卞希孔遂薦詞臣張縉彥等及若麒為兵科都給事中帝用縉彥而縉彥不欲去翰林疏劾嗣昌嗣昌溫尤迅迅欲自結於帝數言事首請帝綜核俄論巡撫不當僅循資因進增科甲專保舉二說無何言理財固戶部專司而各部及天下督撫當協謀共濟因為諸曹畫節省策以獻帝皆納之當是時軍興方棘廷臣言兵事者即目為知兵大者推督撫小者兵備一當事任罪累立至上下諱言兵章奏中無敢及者迅極言其弊乞勅廷臣五日內陳方畧帝即從其言迅考選時為掌河南道御史王萬象所抑因事劾罷萬象勢益張與若麒盡把持山東事清議多不予會順天府丞戴澳誣劾平遠知縣王凝命嘉興推官文德翼貪吳昌時言於迅上疏力頌二人廉能澳下吏削籍迅由是有名久之請召還建言諸臣詹爾選李清何楷成勇李汝璨等二十八人劾督師丁啓睿寡謀悞國累遷禮科都給事中陳新

撫不當僅循資因進增科甲專保舉二說無何言理財固戶部專司而各部及天下督撫當協謀共濟因為諸曹畫節省策以獻帝皆納之當是時軍興方棘廷臣言兵事者即目為知兵大者推督撫小者兵備一當事任罪累立至上下諱言兵章奏中無敢及者迅極言其弊乞勅廷臣五日內陳方畧帝即從其言迅考選時為掌河南道御史王萬象所抑因事劾罷萬象勢益張與若麒盡把持山東事清議多不予會順天府丞戴澳誣劾平遠知縣王凝命嘉興推官文德翼貪吳昌時言於迅上疏力頌二人廉能澳下吏削籍迅由是有名久之請召還建言諸臣詹爾選李清何楷成勇李汝璨等二十八人劾督師丁啓睿寡謀悞國累遷禮科都給事中陳新

甲主款迅面斥其非廷辨良久又言傅宗龍已荷恩卹而盧象昇汪喬年事同典異楊嗣昌死有餘戮借久案以邀功陳新甲負罪不遑移邊勞而錄廢非論功議罪法帝是其言迅本由嗣昌進隨眾詆毀時論益薄之尋以保舉高斗光為鳳陽總督不當謫國子博士乞假歸及新甲誅命追論兵科不糾發罪吏部悞上迅名帝曰迅御前駁議朕猶識之可復故官未赴而京師陷迅家居設砦自衛弟迂短小精悍馬上舞百斤鐵椎兄弟率里中壯士捕勦土寇畧盡

大清兵至迅猶據砦不下已被攻破闔門死之若麒歷職方郎中新甲遣赴寧錦督戰致洪承疇等十餘萬軍盡覆若麒獨渡海逃還論死繫獄李自成陷都城出降受其偽署人以

是定兩人優劣云

焦源溥字涵一三原人萬曆四十一年進士歷知沙河濬二縣考最名為御史熹宗嗣位移宮議起刑部尚書黃克纘請寬盜寶諸奄源溥抗疏折之曰光宗神宗元子也為元子者為忠則為福藩者非忠孝端孝靖神宗后也為二后者為忠則為鄭貴妃者非忠孝元孝和光宗后也為二后者為忠則為李選侍者非忠貴妃三十年心事人誰不知至張差持梃危在呼吸尚忍言哉況當先帝御極之初突傳皇祖封后之命及請封不得而冶容進矣張差之梃不中則投以麗色之劍崔文昇之藥不速則促以李可灼之丸痛哉先帝欲諱言進御之事遂甘蒙不白之冤今即厚待貴妃始終恩禮而鄭

養性之都督不可不尊也崔文昇必不可不磔也若竟置弗問不幾於忘父乎至李選侍不過一宮人更非貴妃比近誦聖諭如所云阻陛下於煖閣挾陛下以垂簾及凌虐聖母諸狀有臣子所不忍言者今卽爲選侍乞憐止可求陛下曲宥前辜量加恩禮而移宮始末必不可得而抹掇也盜寶諸奄心懷叵測必不可得而寬宥也若竟置諸奄弗問不幾於忘母乎末詆克纘受賕亂法克纘憤疏辨亦詆源溥源溥再疏劾之并及府丞邵輔忠俄請召還爭國本忤稅璫諸臣畿輔俵馬爲民患疏請輸直天啓二年以憂歸服闋還朝出按直定諸府例轉鳳陽兵備副使時崔文昇出鎮兩淮欲甘心源溥遂移疾歸崇禎二年起故官分巡河東道預平大盜王嘉

肩遷寧武參政再有平寇功就遷山西按察使七年擢右僉都御史巡撫大同時邊事日棘兵缺伍餉又久之歲浚饑民無糠粃至淘馬糞以食源溥亟請蠲賑且增兵餉當事不能應踰年遂自劾求去監視中官魏國徵撫論其不職坐罷歸十六年冬李自成陷關中源溥被執脅降不屈勒令輸金源溥瞋目大罵曰瞎賊吾不能生啖爾肉安從得金速殺我毋多言罵不絕聲拔其舌支解死從兄源清字湛一萬曆中舉進士除戶部主事再遷廣平知府歷山東按察使山西左布政使崇禎五年以右僉都御史巡撫宣府七年秋坐萬全左衛失守奪官謫戍久之釋還與源溥同被執抗節不食七日死

與化徵授御史巡按河南卽列上封疆六事既至飭戰守覈
功罪條奏行間機宜事多施行期滿當代命再巡一年十四
年正月李自成陷洛陽乘勢圍開封巡撫李仙風時在河北
名衡急集衆堅守賊穴城將入守者投以火賊死無筭閱七
晝夜始解去仙風既失洛陽福王被難當得罪惡名衡劾其
失事亦許奏以自解帝不直仙風言令解任以張克儉代俄
聞克儉殉難卽擢名衡右僉都御史代之賊連陷數十州縣
名衡不能救十二月杪復悉衆圍開封開封宋故都金帝南
巡以城大難守築而小之猶五十餘里厚可十丈賊令卒取
城上輒卒獲一輒卽歸營番進後退者斬已而穿穴初容一

人漸至百人以次畚土出留土柱繫巨絙萬人拽絙柱頽則
城崩矣名衡偕總兵官陳永福於城上鑿橫道聽其下有聲
煮穢汁灌之遇輒死賊乃用放迸法藏火藥甕中置城壞處
甕裂當者無不碎攻踰月自成列精卒數千俟城崩卽入比
火發反擊已卒皆死賊大驚會楊文岳援兵亦至乃解圍去
賊以開封人衆食寡謀築長圍坐困之三月復至圍而不攻
帝日趣諸鎮救率逗遛六月特出侯恂於獄命總督保定山
東河北諸軍赴之拔知縣蘇京王漢王燮爲御史命京監陝
西四鎮軍趣孫傳庭出關漢監楊文岳左良玉及川湖軍急
擊燮監河北及山西總兵許定國軍克期渡河燮未至定國
先次沁水一夕潰去寧武兵亦潰於懷慶定國被逮七月良

玉軍大潰於朱仙鎮文岳及督師丁啓睿皆奔賊圍益固內外隔絕恂徘徊河北不敢進城中食盡死者相枕藉名衡永福偕監司梁炳蘇壯吳士講同知蘇茂灼通判彭士奇推官黃澍等猶固守不下山東總兵官劉澤清以朱家寨去開封八里提兵五千南渡依河爲營疏水環之謀以次結八營可達大堤築甬道輸粟城中壘未成賊來攻力戰三日馘賊數千終以勢不敵而退援軍多聚河北日夜望傳庭出關久不至城中益困賊圖開封者三損傷甚衆積憤誓必拔之圍半年師老糧匱欲決黃河灌之以城中多士女貲財猶與不決聞秦兵東恐諸鎮兵夾擊欲變計會有獻計於巡按御史嚴雲京者請決河以灌賊雲京語名衡及澍皆以爲然城旁羊

馬牆周王捐貲築堅厚如高岸而賊營直傅大堤謂河決則賊可盡而城中無虞賊知先移營高阜多具舟筏以待而驅難民數萬反決馬家口及朱家寨口以灌城九月望夜半河大決天適大雨經旬黃流驟漲兩口並決聲聞數十里難民俱沒賊亦死萬人河流自北門入穿東南門以出周王及寧鄉諸郡王名衡永福澍等棲城樓絕食者數日王燹以舟至從城上泛舟出茂灼士奇久餓不能起並溺死城初圍時民百萬戶後饑疫死者十二三至是盡沒於水帝聞痛悼猶念諸臣拒守勞命叙其功名衡甫出城辭疾歸尋加兵部右侍郎後給事中陳燕翼極論澍決河罪詆名衡主謀帝終以守城功不問雲京有疏請決河而朝論謂澍實主之故燕翼攻

之力名衡抵家甫兩月

大清兵破沂州夫婦同殉難王漢字子房崇禎十年進士除高平知縣調河內巨寇劉二將犯濟源出不意擒以歸又乘雪夜破妖僧智善夜半渡河破賊楊六郎李自成圍開封漢馳金龍口柳林燃火為疑兵遣死士入賊中聲言援軍大至賊驚懼圍稍寬上官交薦減俸行取十五年春召對稱旨立授御史監左良玉諸軍討賊督其兵救開封已命巡按河南會開封已陷賊亦為水滄引去漢遂入開封追賊朱仙鎮連戰皆捷巡撫名衡謝病擢漢右僉都御史代之無何總兵官劉超反於永城漢上疏請討為兵部所洩超得為備明年正月漢抵永城聲言招撫鄉官丁魁楚練國事等開門納之漢

引眾馳入為賊擊死參將陳治邦遊擊連光耀父子皆戰死游擊馬魁復力戰入城負屍以出面如生詔贈兵部尚書廕錦衣世百戶建祠致祭未幾超被擒伏誅傳首九邊

李夢辰字元居睢州人崇禎元年進士授庶吉士改兵科給事中時盜起陝西山東曹濮間亦多盜道梗三百餘里河北則有猗賊夢辰歷陳其狀請勅將吏急防帝為責山東巡撫諱盜之罪五年上疏言今中外交訌秦晉齊魯多變亂兩河居中尤要地鉛硝久市直未償漕米歲輸累無已宗祿併徵南陽加派河決歲歉郵傳催科之患百出窮簷如懸磬生計日不支急難誰肯用命且兩河標兵磁兵新舊共不滿七千一有警防禦何資今日急務首防河次繕城池備器械練鄉

兵治甲冑而其本尤在收拾人心額外之徵不可不禁不急之需不可不緩帝卽命所司嚴飭俄以孔有德之亂劾余大成孫元化熊明遇不聽是年冬鉅盜盡萃河北夢辰慮其南犯請勅河南諸道監司急防渡口而巡撫移駐衛輝與山西保定二撫臣犄角急擊帝方下兵部議賊已從澠池潛渡自是中州郡縣無日不告警矣屢遷本科左給事中復上言將驕軍悍未遇賊則觀望不進旣遇賊則非叛卽逃鄧玘張外嘉之兵弑主而叛曹文詔艾萬年之兵望賊而奔尤世威徐來朝之兵離汛而遁今張全昌趙光遠兵又倒戈爲亂榮澤則劫庫殺人偃師則列營對壘且全昌等會勦豫賊隨處逗遛及中途兵變全昌竟東行光遠始西向驕抗如此安可不

重治末責監司劉三顧徇縱總督洪承疇節制不行罪帝頗採其言全昌等下所司勘議已進吏科都給事中都御史唐世濟薦逆案霍維華吏部尚書謝陞不糾駁夢辰率同官論之福建巡按御史應喜臣薦前通政使逆案周維京夢辰疏駁世濟喜臣皆下吏謫戍尋擢太常少卿屢遷至通政使坐代人削章奏貶秩調任未幾有持金囑中書舍人王陞彥賄大學士薛國觀求爲副都御史者邏卒廉得之詞連夢辰帝責夢辰自奏而下陞彥詔獄夢辰怨家喉主獄者嚴鞫證佐張顯以實之顯大呼事有據柰何爲人報怨枉害善良主者懼不敢有所連然夢辰竟坐削籍歸至長垣聞鄉郡被兵從者勸勿往夢辰不可至則賊陷陳州太康逼睢州州中適缺

正官夢辰即乘城主守事無何賊從他門入擁夢辰見羅汝才汝才問所欲曰我大臣但欲死爾汝才去遣其客說降且進酒食夢辰覆杯於地太息而起賊慮其自盡命守者謹護之家人亦以母老勸母死夢辰不從扼吭而卒妻王氏方病聞之慟哭不食卒

宋師襄耀州人萬曆四十四年進士歷官御史天啓三年五月力請罷內操言自劉朝營脫死日與沈淮密謀為固寵計於是淮以募兵為朝外護朝以內操為淮內援官府內外止知有朝不知有天子天牖聖聰一旦發露屏之南京然朝雖去而所蓄三千虎旅安歸世豈有蓄怨藏怒之人潛布親信於左右而不為患者今日之計惟有散之而已至平日卵翼

朝者黃克纘也朝感恩圖報亡何以戎政內宣抄參朝者毛士龍也朝頓足切齒未幾以邵輔忠構陷削籍豈非握兵據要轉相恐喝以至是乎帝以內操祖宗故事不納俄陳足財之策請減上供汰冗官覈營造省賞賚皆宦官所不便格不行奉聖夫人客氏子及中官王體乾宋晉魏進忠等十二人俱世襲錦衣師襄力諫已言左副都御史熊尚文工部侍郎周應秋登萊巡撫袁可立當去不去光祿卿須之彥太常卿呂純如不當來而來乞顯賜黜斥帝皆不聽而尚文應秋旋引去四年巡按河南陞辭言今日章滿公車皆曰治平要務乃終日籌邊事商國計飭吏治計民生弭盜賊而漫無實效所以然者臺諫以進言為責條奏一入即云盡職言之行否

置弗問矣六曹以題覆爲責題覆一上便稱畢事事之行否
置弗問矣內閣以票擬爲責票擬一定卽爲明諭旨之行否
亦置弗問矣上下相委相蒙養成口舌世界今民怨極天怒
深災害遽然並至良民不得其生相聚思亂十有八九臣恐
今日之患不在遼左不在黔蜀而卽在數百年休養之赤子
也報聞旣抵任懲貪舉廉政績甚著明年復命薦部內人才
首及尚書盛以弘魏忠賢責以徇私貶一秩調任師襄遂歸
崇禎元年召復官擢太僕少卿屢遷至太常卿致仕奸人朱
夢郊假師襄手書營兵部事覺師襄被逮繫獄者二年至徐
石麒爲刑部始獲雪十六年冬賊陷耀州不屈死

徐汧字九一長洲人生未期而孤稍長砥行有時名天啓五

年魏大中被逮過蘇州汧貸金資其行後周順昌被逮緹騎
橫索錢汧與楊廷樞斂財經理之崇禎元年成進士改庶吉
士授檢討中允黃道周以救錢龍錫貶官同官倪元璐請以
已代謫帝不允汧上疏力頌道周元璐賢因自請罷黜忤旨
詰責汧復上疏曰人情溺於榮利聞元璐換職之說必共指
爲狂愚及聞臣請斥之疏必且嫉其沽激不知推賢讓能蓋
臣所務難進易退儒者之風間者陛下委任之意希注外廷
防察之權輒逮閹寺默窺聖意疑貳漸萌萬一士風日賤宸
嚮日移明盛之時爲憂方大臣是以力舉孤忠願同幽黜斷
不敢以不衷之言自取誅隕惟聖明裁察帝不聽汧尋乞假
歸久之還朝屢遷右庶子充日講官十四年奉使益王府便

道旋里周延儒再柄國數招汧汧不應久之北上抵鎮江聞
京師陷一慟幾絕汧雅好交遊畜聲伎至是悉屏去獨居一
室中福王立於南京名爲少詹事汧以國破君亡臣子不當
叨位具疏固辭且痛宗社之喪由朋黨相傾移書當事勸以
力破異同之見既就職陳時政七事曰辨人才課職業敦寅
恭勵廉恥核名實納忠讜破情面復惓惓以化恩讐去偏黨
爲言已而馬士英阮大鍼亂政冬十月安遠侯柳祚昌疏攻
汧謂朝服謁潞王於京口有異志自恃東林巨魁與復社諸
奸張采華允誠楊廷樞顧杲狼狽相倚陛下定鼎金陵彼公
然爲討金陵檄所云中原逐鹿南國指馬是爲何語乞置汧
於理除廷樞杲名立行提訊其餘徒黨容臣次第糾彈疏出

善類咸懼士英不欲與大獄乃寢其奏汧亦移疾歸及南京
失守蘇州亦繼下汧慨然太息作書戒二子肅衣冠北向稽
首投虎丘新塘橋下死時方閏六月閏三日顏色如生郡人
赴哭者數千人長子枋字昭法舉崇禎十五年鄉試隱居著
書有高行廷樞字維斗與汧幼相善有文名崇禎二年舉鄉
試第一後

大兵下蘇州汧殉難廷樞遁居山中

順治四年松江總兵官吳勝兆故降將也復謀叛廷樞囚其
客以懲憑之事敗追捕至官猶欲生之諭令薙髮廷樞曰誓
此以見先皇帝遂被斬

鹿善繼字伯順定興人祖久徵萬曆中進士授息縣知縣時

詔天下度田各署上中下壤息獨以下田報上官屢却之執如初且核隱占田四千餘頃調襄垣擢御史帝以軍政事貶黜言官三十四人久徵抗疏申救亦謫澤州判官遷榮澤知縣未任而卒父正急人患難傾其家不惜遠近稱鹿大公善繼端方謹慤少讀王守仁書慨然有必爲聖賢之志鄙章句溥溫飽不與俗浮沉舉萬曆四十一年進士授戶部主事內艱除起故官遼左餉中絕廷臣數請發帑不報會廣東進金花銀善繼稽舊制金花貯庫備各邊應用乃奏記尚書李汝華畱以給餉帝怒奪善繼俸一年令補進善繼以死爭乃奪汝華俸二月降善繼一級調外汝華懼卒補銀進泰昌改元復原官興新餉連疏請發帑百萬不報天啓元年遼陽陷以

才改兵部職方主事爲尚書崔景榮草疏請罪且請逮治逃將御史游士任馬逢皇有所庇詆善繼爲小臣善繼憤抗疏曰臣等固小臣御史獨大臣乎御史橫朝端而曹郎昌言常居其半人各有品安可輕也疏上卽日出署帝不許時言路勢張善繼獨與抗高攀龍薦善繼剛毅肯任事請以職方兼御史督輦下保甲教民忠義得旨允行竟不果大學士孫承宗理兵部事推心任之及閱視關門以善繼從出督師復表爲贊畫杜饋遺絕宴會布衣羸馬出入亭障間延見將卒與相勞苦承宗倚之若左右手其拓地四百里收復數十城堡善繼籌畫爲多在關四年屢進員外郎郎中及承宗謝事善繼亦移疾歸崇禎元年起尚寶卿遷太常少卿管光祿丞事

甫三載復請告歸家居與門人講學從游者日衆九年七月
大清兵攻定興善繼時居江村長吏請入城與里居知州薛
一鶚等共守親故交阻之不聽固守六日城破不屈死家人
奔告其父父慨然曰吾兒素以身許國今何憾乎事聞贈大
理卿諡忠節勅有司建祠予化麟舉天啓元年鄉試第一伏
闕訟父忠踰年亦卒一鶚字百當由貢生爲黃州通判荆王
姬誣他姬醜世子一鶚白其誣奄人傳太妃命欲竟其獄卒
直之遷蘭州知州州北有田沒於番吏派其賦於他戶後田
復歸爲衛卒所據而民出賦三十年一鶚核除其害至是佐
善繼城守遂同死

麻僖慶陽人父永吉由庶吉士爲御史終湖廣按察使以清
操聞僖舉萬曆三十五年進士授庶吉士改兵科給事中代
王長子鼎涓評父廢長立幼僖劾代王無君鼎涓無父四十
年疏陳納諫諍舉枚卜補大僚登遺佚速考選數事因請急
用沈鯉郭正域不報已復請重武科復比試清納級汰家丁
恤班操急邊餉時亦不能用遼東巡撫楊鎬請用舊將李如
梅以僖言乃改用張承蔭承蔭未至而鎮遠堡曹莊相繼失
事鎬皆不以實聞僖兩疏劾之鎬與李成梁父子深相結必
欲用如梅僖復言鎬欲起如梅不得謀逐新帥爲之地致承
蔭一籌莫展且如梅當蔚山敗時墜馬傷臂已成廢人起之
何爲乞急易撫臣責成新帥鎬旋引去黔國公沐昌祚稱疾
乞令孫啓元代鎮中旨許之雲南撫按周嘉謨等疏爭僖因

外用事景文其同鄉也不一詣其門亦不附東林孤立行意而已忠賢惡御史李應昇黃尊素周宗建蔣允儀張慎言欲以年例出之外景文持不行視事未彌月謝病去崇禎初言者交薦召爲太常少卿二年七月擢右僉都御史巡撫河南練兵繕器大爲保障計未幾京師戒嚴率所部八千人勤王餉皆自齎十二月望抵涿州四方援兵多剽掠獨河南軍無所犯尋移駐都門再移昌平遠近恃以無恐帝知其足任明年三月擢兵部添注左侍郎練兵通州景文在河南知民苦徭役力爲釐革慮代者更已法上疏極論其害請令有司實行一條鞭法徭役俱歸之官而令民稍助其費供應以市直平買不立官價名帝令永著爲例時通鎮初設兵皆召募景

文綜理有法軍特精居二年以父喪去官七年冬起南京右都御史未幾就拜兵部尚書參贊機務屢遣兵戍池河浦口援廬州扼滁陽有警輒發節制精明嘗與南京戶部尚書錢春以軍食相訐奏坐鑄秩視事已敘援勦功復故秩熊文燦撫張獻忠景文言獻忠當散衆歸耕或靜俟徵調乃益市馬造舟簡軍士整器械此其謀叵測帝不納獻忠卒叛去十一年冬京師戒嚴立遣兵入衛楊嗣昌奪情輔政羣臣力爭俱被謫景文乃倡同列合詞論救帝不悅詰首謀者景文引罪且以衆論僉同爲言帝益怒削籍爲民廷臣累薦十五年秋召拜刑部尚書未上改工部入對帝迎勞曰不見卿久何癯也時中外多故景文拮据勞瘁日入不獲休十七年二月命

以本官兼東閣大學士入參機務帝謂景文曰朕知卿久今急而用卿恨晚卿尚勉之景文請釋繫獄張國維郭景昌等帝立從其言李自成兵漸逼有請帝南幸者命集議閣中景文曰固結人心堅守待援而已此外非臣所知及都城陷急趨至宮門遇宮人曰駕出矣復趨朝房賊已塞道從者請易服還邸景文曰駕出安歸就道旁廟中草遺疏復大書曰身為大臣不能滅賊雪恥死有餘恨遂至演象所拜辭闕墓赴雙塔寺旁古井死蓋猶謂帝南幸也福王時贈太傅諡文忠皇朝順治九年

世祖章皇帝表章前代忠臣所司以景文及倪元璐李邦華王家彥孟兆祥父子施邦耀凌義渠吳麟徵周鳳翔馬世奇劉

理順汪偉吳甘來王章陳良謨申佳胤許直成德金鉉二十人名上

命所在有司各給地七十畝建祠致祭且予美諡景文諡文忠

倪元璐字玉汝上虞人父凍歷知撫州淮安荊州瓊州四府有當官稱天啓二年元璐成進士改庶吉士授編修冊封德府移疾歸還朝出典江西鄉試暨復命則莊烈帝踐阼魏忠賢已伏誅遺黨楊維垣輩護持舊局力扼東林維垣上疏竝詆東林崔魏元璐憤崇禎元年正月抗疏曰臣頃閱章奏見攻崔魏者必與東林竝稱邪黨夫以東林為邪黨將以何者名崔魏崔魏既邪黨矣擊忠賢呈秀者又邪黨乎哉東林天

下才藪也其所宗主者大都樹高明之幟而或繩人過刻持論太深謂之非中行則可謂之非狂狷不可且天下議論寧假借必不可失名義士人行已寧矯激必不可忘廉隅自以假借矯激爲大咎於是彪虎之徒公然背畔名義決裂廉隅連篇頌德匝地建祠頌德不已必將勸進建祠不已必且呼嵩而人猶寬之曰無可奈何不得不然耳充此無可奈何不得不然之心又將何所不至乃議者以忠厚之心曲原此輩而獨持已甚之論苛責吾徒所謂舛也今大獄之後湯火僅存屢奉明綸俾之酌用而當事者猶以道學封疆持爲鐵案毋亦深防其報復乎然臣以爲過矣年來借東林媚崔魏者其人自敗何待東林報復若不附崔魏又能攻去之其人已

喬嶽矣雖百東林烏能報復哉舊輔臣韓爌陛下已鑒其清忠舊詞臣文震孟陛下已許其起用乃朝論猶扼之何也至逆奄所毀書院宜并修復蓋書院生祠相爲勝負生祠毀書院豈不當復時柄國者悉忠賢餘黨疏入以論奏不當責之於是維垣復上疏駁元璐爲謬元璐再疏曰臣前疏原爲維垣發也陛下明旨曰分別門戶已非治徵曰化異爲同曰天下爲公而維垣則倡爲孫黨趙黨熊黨鄒黨之說是陛下於方隅無不化而維垣實未化陛下於正氣無不伸而維垣不肯伸臣冒昧有言蓋爲維垣效忠告不圖以臣爲謬也維垣怪臣盛稱東林以東林嘗推李三才而護熊廷弼也抑知東林中有力擊魏忠賢之楊漣首劾崔呈秀之高攀龍乎忠賢

窮凶極惡維垣猶尊稱之曰廠臣公廠臣不愛錢廠臣知爲國爲民而何責乎三才五虎五彪之罪刑官僅擬削奪維垣不駁正又何誅乎廷弼維垣又怪臣盛稱韓爌夫舍爌昭然忤璫之大節而加以說情罔利莫須有之事已爲失平至廷弼行賄之說乃忠賢借以誣陷清流天下誰不知而維垣猶守是說乎維垣又怪臣盛稱文震孟夫震孟忤璫削奪其破帽策蹇傲蟒玉馳驛語何可非維垣試觀數年來破帽策蹇之輩較超階躡級之儔孰爲榮辱自此義不明畏破帽策蹇者相率而頌德建祠希蟒玉馳驛者至呼父呼九千歲而不忤可勝歎哉維垣又怪臣盛稱鄒元標夫謂都門聚講爲非則可謂元標講學有他腸則不可當日忠賢驅逐諸人毀廢

書院者正欲箝學士大夫之口恣行不義耳自元標以僞學見驅而逆璫遂以真儒自命學宮之內儼然揖先聖爲平交使元標諸人在豈遂至此維垣又駁臣假借矯激四字夫當崔魏之世人皆任真率性頌德建祠使有一人假借矯激而不頌不建豈不猶賴是人哉維垣以爲真小人待其滿貫可攻去之臣以爲非計也必待其滿貫其敗壞天下事已不可勝言雖攻去之不亦晚乎卽如崔魏貫滿久矣不遇聖明誰攻去之維垣終以無可奈何爲頌德建祠者解臣以爲非訓也假令呈秀一人舞蹈稱臣於逆璫諸臣亦以爲無可奈何而從之乎又令逆璫以兵劫諸臣使從叛逆諸臣亦靡然從之以爲無可奈何而然乎維垣又言今日之忠直不當以崔

魏爲對案臣謂正當以崔魏爲對案也夫人品試之崔魏而定矣以崔魏定邪正猶以明鏡別妍媸維垣不取證於此將謂此中尚有人物乎總之東林之取憎於逆璫獨深其得禍獨酷在今日當曲原其被抑之苦不當毛舉其尺寸之瑕乃歸逆璫以首功代逆璫而分謗斯亦不善立論者矣疏入柄國者以互相詆訾兩解之當是時元兇雖極其徒黨猶盛無敢頌言東林者自元璐疏出清議漸明而善類亦稍登進矣元璐尋進侍講其年四月請燬三朝要典言梃擊紅丸移宮三議闕於清流而三朝要典一書成於逆豎其議可兼行其書必當速毀蓋當事起議與盈庭互訟主梃擊者力護東宮爭梃擊者計安神祖主紅丸者仗義之言爭紅丸者原情之

論主移宮者弭變於幾先爭移宮者持平於事後數者各有其是不可偏非總在逆璫未用之先雖甚水火不害墳鏡此一局也旣而楊漣二十四罪之疏發魏廣微此輩門戶之說興於是逆璫殺人則借三案羣小求富貴則借三案經此二借而三案之面目全非矣故凡推慈歸孝於先皇正其頌德稱功於義父又一局也網已密而猶疑有遺鱗勢已重而或憂其翻局崔魏諸奸始創立私編標題要典以之批根今日則衆正之黨碑以之免死他年卽上公之鐵券又一局也由此而觀三案者天下之公議要典者魏氏之私書三案自三案要典自要典今爲金石不刊之論者誠未深思臣謂翻卽紛囂改亦多事惟有毀之而已夫以閹豎之權而役史臣之

筆亘古未聞當毀一未易代而有編年不直書而加論斷若云彷彿明倫規模大典則是魏忠賢欲與肅皇帝爭聖崔呈秀可與張孚敬比賢悖逆非倫當毀二矯誣先帝偽撰宸篇既不可比司馬光資治通鑑之書亦不得援宋神宗手製序文爲例假竊誣妄當毀三況史局將開館抄具備七載非難稽之世實錄有本等之書何事留此駢枝供人唾詈當毀四帝納其言命禮部會詞臣詳議議上遂焚其板侍講孫之獬忠賢黨也典順天鄉試中呈秀子鐸聞要典將毀詣閣力爭且慟哭天下笑之元璐歷遷南京司業右中允四年帝特重武科始命行殿試有舉子以技勇聞會試被黜帝疑主考官庶子楊世芳中允劉必達及監試御史余文縉馬如蛟有意

抑之悉逮下獄命元璐副諭他方逢年再試事竣白四人無弊請寬貸不納黃道周貶官元璐稱爲第一詞臣乞留之史局以已代貶并薦舊府尹劉宗周曰邇來中使四出動以上官體加於庶司臣懼士大夫之氣化爲繞指柔陛下當式怒蛙不當重摧折乃宗周旣以罷黜投間道周又以蹇諤被貶天下本無人得其人又不能用豈不深可惜哉亦不納三疏乞省親不允進右諭德充日講官進右庶子兩疏乞歸養復不允乃上制實八策曰間插部曰繕京邑曰優守兵曰靖降人曰益寇餉曰儲邊才曰奠輦轍曰嚴教育又上制虛八策曰端正本曰伸公議曰宣義問曰一條教曰慮久遠曰昭激勸曰勵名節曰假體貌其端政本悉規切溫體仁其伸公議

則詆張捷薦呂純如謀翻逆案事捷大怒上疏力攻且訐其于預考選元璐疏辨乞與同罷帝俱不問八年春流賊毀皇陵上疏乞下罪已詔蠲除七年以前逋租時不能用復兩疏乞歸養不許俄遷國子祭酒先後列上十四事皆援祖制作人才帝為採納元璐雅負時望位漸通顯帝意嚮之淡為體仁所忌一日帝手書其名下閣令以履歷進體仁益恐會誠意伯劉孔昭謀掌戎政體仁餌孔昭使攻元璐言其妻陳尚存而妾王冒繼配復封敗禮亂法詔下吏部核奏其同里尚書姜逢元侍郎王業浩劉宗周及其從兄御史元瑛咸言陳氏以過被出繼娶王非妾體仁意 會部議行撫按勘奏即擬旨云登科錄二氏並列罪跡顯然何待行勘遂落職

十五年九月廷臣交薦詔起兵部右侍郎兼侍讀學士以母老固辭俄聞畿輔被兵遂冒鋒鏑北上明年春抵都及入見陳制敵機宜帝甚喜五月即超拜戶部尚書兼翰林院學士仍充日講官以祖制浙人不得官戶部辭不許帝眷元璐甚五日三賜對因奏陛下誠用臣臣請以三說進一則與樞部同心計畫準餉以權兵準兵以權餉被兵之區餉多虧折敗兵之壘兵亦銷囚彼此相權則數清而用足一小生小節無益於數必求一舉得數十百萬又必有利於國無害於司農又臣本儒臣諸所設施豈可權宜苟且臣必以仁義為根本政苟厲民必為民請命奏未畢帝曰卿真學問之言本原之論元璐又奏臣請得參兵部謀帝曰已論樞臣令與卿協計

當是時馮元颺為兵部與元璐同志鈞考兵食頗有所裨益中外想望其丰采惟帝亦以用兩人晚而時事益不可為左支右詘元璐亦無如何故事諸邊餉司悉中差元璐請改為大差兼兵部銜令清核軍伍不稱職者即遣人代之先屢遣科臣出督四方徂賦元璐以為擾民無益乞罷之而專責撫按戶部侍郎莊祖誨督勦寇餉憂餉為盜劫遠避之長沙衡州元璐請令督撫自催毋煩朝使自軍興以來正供之外有邊餉有新餉有練餉款目不一黠吏易為奸元璐請合為一帝皆報可時國用益詘而災傷蠲免者又多元璐計無所出請開贖罪之例且令到官滿厥者得輸貲給封誥帝亦從之十月命兼攝吏部事陳演忌元璐風魏藻德言於帝曰元璐書

生不習錢穀元璐亦數請解職十七年二月命以原官專直日講踰月李自成陷京師元璐整衣冠北向拜父南向拜母書几上曰南都尚可為死吾分也勿以衣衾斂暴我屍聊志吾痛遂南向坐取帛自縊而絕福王時贈少保吏部尚書諡文正

本朝賜諡文正

李邦華字孟闇吉水人受業同里鄒三元標以名節自勵舉萬曆三十二年進士授涇縣知縣有異政行取擬授御史值黨論初起朝士多詆顧憲成邦華與相杜遂指目為東林越二年始拜命陳法祖用人十事一曰內閣不當專用詞臣二曰詞臣不當專守館局三曰詞臣不當教習內書堂四曰六科

都給事中不當內外間阻五日御史陞遷不當槩論考滿六
日吏部乞假不當積至正郎七日四附倉諸差不當專用舉貢
任子八日調簡推知不當驟遷京秩九日進士改教不當槩
從內轉十日邊方州縣不當盡用鄉貢疏上不報四十一年
廷臣爭請福王之藩已有期忽傳旨莊田務足四萬頃廷臣
相顧愕眙謂田數必不足則期將復更而竟無敢爭者邦華
乃抗疏切諫中刺鄭貴妃鄭國去來未規切閣臣葉向高廷臣
乃相繼爭期得毋易尋上剖別加正疏歷議故相申時行王
錫爵趙志臯張位沈一貫李廷機而極論湯賓尹王紹徽徐
兆魁罪兆魁出揭白明邦華又特疏論列兆魁迄引去吏部
尚書趙煥逐左都御史孫瑋誠意伯劉蓋臣疏詆御史周起

元翟鳳翀邦華竝請罷斥巡視銀庫見老庫貯銀止八萬兩
大駭列上祛弊十事多中貴所不便格不行熊廷弼聽勘議
起其鄉人黃彥士吳亮嗣官廕震力庇之攻擊持勘議者不
已邦華知涇縣深悉其本末出疏質言之其黨咸縮舌彥士
猶爲辯邦華再疏盡發其隱諸人乃不敢復言然疾之彌甚
事具孫振基傳中巡按浙江澄源清吏治部內肅然織造中官
劉成卒命歸其事於有司而別遣中官呂貴錄成遺賫貴遂
嫉奸民紀光詭稱機戶詣闕保書代成督造邦華極論二人
交關作奸罪而光疏不由通政亦不下內閣以中旨行之邦
華憤復三疏力爭語極切至皆不報是時神宗好貨中官有
所進奉名爲孝順邦華疏中刺及之并劾左右大奄之黨貴

者皆人所不敢言直聲動朝野期滿久不得代四十四年引疾歸明年尚書鄭繼之等力排東林出爲山東參議其父廷諫爲南京刑部郎中亦罷歸邦華乃辭疾不赴天啓元年起改官飭易州兵備明年遷光祿少卿卽還家省父四月擢右僉都御史代畢自嚴巡撫天津時軍府新立庶務草創邦華極力振飭戎伍器甲皆修備津門一守遂爲諸鎮冠廷臣其推轂推兵部右侍郎疏辭不允復還省父四月夏抵京樞輔孫承宗因萬壽節請入覲魏忠賢嘗謂承宗將清君側惡邦華實召之忠賢立勒承宗還鎮邦華卽引疾去五年七月爲奄黨倪文煥所劾削其官崇禎元年四月起工部右侍郎總督河道五月改兵部協理戎政還朝帝卽召見旋知武會

試事竣入營故事冬至郊列隊扈蹕用軍八萬五千人至是增至十萬有奇時方郊總督勲臣缺邦華兼攝其事所設雲輦龍旌寶纛以及金鼓旗幟甲冑劍戟煥然一新帝顧之甚悅明年春幸學亦如之命加兵部尚書力辭不允時戎政大壞邦華銳意清釐先陳更操法慎揀選改戰車精火藥專器械責典守節金錢酌兌馬練大砲九事帝優旨褒勉京營弊多端而占役虛冒尤甚占役者其人爲諸將所役一小營至四五百人且有賣閒包操諸弊虛冒者無其人而諸將及勲戚奄寺豪強以蒼頭冒選鋒壯丁月支厚餉邦華核還占役萬計清虛冒千餘人三大營軍十餘萬強半皆老弱故事軍缺聽人告補皆以賄得邦華必親試非年壯力強者不收自

是軍鮮冒濫三營選鋒一萬壯丁七千餉厚他軍而疲弱不異邦華下令每把總兵五百月自簡五人年必二十五以下力必二百五十斤以上技必兼弓矢火砲月一解送以補選鋒壯丁之缺壯士咸踴躍三大營領六副將又分三十六營官以三百六十七人計所用掾史皆積猾邦華按罪十餘人又行一歲二考察之令諸奸爲戢營馬額二萬六千至是止萬五千而他官例得借用總督協理及巡視科道又例有坐班馬邦華首減已班馬他官借馬者不許發濫借爲希營將三百六十聽用者稱是每一官缺請託紛至邦華悉杜絕行計日省成法每小營各置一簿月上事狀於協理以定殿最舊制三大營外復設三備兵營營二千人餉視正軍而不習

技擊無所事事邦華核去四千餘人又汰老弱千疏請歸併三大營不復另設由是戎政大釐會倉場總督南居益言京營歲支米一百六十六萬四千餘石視萬曆四十六年增五萬七千餘石宜減省邦華因上議軍以十二萬爲額餉以百四十四萬石爲額歲省二十二萬有奇帝亦報可著爲令帝知邦華忠奏無不從邦華亦感帝知不顧後患諸失利者銜次骨怨謗紛然至十月畿輔被兵卽簡精卒三千守通州二千援薊州而身督諸軍出營城外軍容甚壯帝數召對溫語慰藉俄惑於羣議命撤還守陴偵者不敢遠出聲息遂斷乃上防寇賊緝間諜散奸宄禁譌言數事卽命飭行邦華自聞警衣不解帶捐貲造砲車及諸火器又以外城單薄自請出

守而諸不逞搆蜚語入大內帝不能無動襄城伯李守鉞督京營銜邦華扼已亦乘間詆譏邦華自危上疏陳情歸命於帝帝猶溫旨慰諭然是時帝心焦勞甚謂大臣皆不足倚下兵部尚書王洽工部尚書張鳳翔獄會滿桂兵拒大清兵德勝門外城上發大砲助之悞傷桂兵甚衆都察院都事張道澤遂疏劾邦華言官亦廷論其罪帝乃落邦華職閒住自是代者以邦華爲戒率因循姑息戎政不可問矣邦華歸廷臣屢薦執政多忌之扼不用十二年四月始起南京兵部尚書參贊機務首定營制汰不急之將并分設之營嘗言守江南不若守江北防下流不若防上流乃由浦口歷滁州全椒和州相形勢繪圖以獻於浦口建沿江敵臺於滁州

設戍卒池河無城則城之藕塘爲滁椒咽喉築堡聯絡和州遭屠戮人民無幾請隸之太平又請開府采石之山置哨太平港大墾當塗閒田數萬頃以資軍儲皆下所司未及行以父憂去十五年冬起故官掌南京都察院事俄代劉宗周爲左都御史兩疏懇辭未得命聞都城被兵乃疏請督東南援兵入衛力疾上道明年三月抵九江左良玉潰兵數十萬聲言之餉蔽江東下劫漕舟邦華急移書責以大義良玉氣沮答書語頗恭邦華用便宜發安慶庫銀十五萬餉之而身入其軍開誠慰勞良玉及其下皆感激誓刻期滅賊一軍遂安帝大悅降旨優獎還朝召見嘉勞備至首陳勿欺之疏請與廷臣共勉乃申職掌振憲紀更定巡城巡方諸令風采凜然

御史出巡有回道考覈例邦華謂回道而後黜害政已多論
罷巡按巡鹽御史各一人奉命考試御史黜冒濫者一人有
御史無顯過而先任推官著貪聲者追黜之臺中始畏法十
七年二月李自成陷山西邦華密疏請帝固守京師倣永樂
朝故事命太子監國南都居數日未得命又請定永二王分
封太平寧國二府拱護兩京帝得疏意動繞殿行且讀且歎
將行其言會帝召廷臣對庶子項煜䟽言當南遷帝曰國君
死社稷正也朕志決矣范景文與邦華擬申前請給事中光
時亨大聲曰往江南欲爲唐肅宗靈武故事乎二人乃不敢
言而帝心亦不怡甚遂罷邦華策不議未幾賊逼都城亟詣
內閣言事魏藻德漫應曰姑待之邦華乃太息出已率諸御

史登城羣奄拒之不得上慟哭而返十八日外城陷走舊文
信國祠明日內城亦陷北向再拜三揖信國作絕命詞投繯
卒福王時贈太保吏部尚書諡忠文

本朝賜諡忠肅

王家彥字開美莆田人天啓二年進士授開化知縣調蘭谿
擢刑科給事中崇禎四年大學士錢龍錫久繫獄家彥因熱
審力請寬之獲減死獄囚多淹帝定按月奏報例家彥請推
行於四方時方用兵而文臣知兵者少家彥陳儲才法甚備
流賊擾山西巡撫宋統殷不能禦日事招撫且縱兵剽掠家
彥請急易之劉杳亂福建家彥以海防盡弛力請修復舊制
奉命巡青論救前巡視科道馬思理高倬及監督主事王瀾

初江之遠事多議行班軍十六萬後減爲七萬及是止二萬有奇有建議免其番上者家彥巡京營力陳不可帝納之總河尚書劉榮嗣鑿河渠無功因家彥言獲譴遵化鐵冶久廢奸民請復開家彥極言有害無利請自今言利章奏一切報罷事亦止其後奸民請開開化雲霧山以興屯亦以家彥言而止時行保舉法家彥請養之成均試之六部且王言近日會推吏部袖出一紙與會者止兩楫而退大失會推意報聞屢遷戶科都給事中總督盧象昇有因糧加餉之議戶部尚書侯恂請未被寇之地士大夫賦一兩者加二錢民間五兩以上者每兩一錢已得旨行家彥言民賦五兩上者大率百十家而成一戶本非富民不可計銷銖帝亦採納九年言近

以軍食不足令畿輔山東河南江北召買米豆輸天津至九十餘萬石民不堪命而吏胥侵耗數十萬計不可不嚴治帝爲飭行七月昌平失守陵寢震驚劾兵部尚書張鳳翼坐視鳳翼旣出督師復劾其調度無法威令不行帝以敵未退不問家彥尋以親喪歸十二年起吏科都給事中帝屢詔起廢而所司不奉行家彥請勅部速奏且召入陛見親驗其才吏部兩侍郎舊制必用翰林一人自薛國觀執政四年不補家彥以爲言成祖有捕蝗令宣德五年定爲永制垂二百年吏部歲以九月頒勘合於有司無舉行者家彥請實修舊典帝皆納之擢大理丞進本寺少卿十五年遷太僕卿家彥居言路時嘗請復國初種馬及西番茶馬制帝下兵部檄陝西督

無未能行至是家彥復陳四疏備言馬耗之故請行官牧及金牌差發遺制且言課馬改折舊增至二十四萬兩民已重困楊嗣昌不恤民復增三十七萬致舊額反逾不可不釐正帝手其疏語執政曰家彥所奏皆可行急下部議軍興方亟不能盡行也頃之擢戶部右侍郎甫拜命都城被兵帝擇協理戎政大臣召見四人卽以命家彥受敕卽日登陴閱視內城九門明日閱外城七門布列守具雪夜攜一燈步巡城堞守卒無知者翊日獎戒勤惰將士爭自勵初分守阜城門後移安定門凡半歲寢處城樓勞勩爲最解嚴賜宴午門增秩一等十七年二月廷推戶部尚書帝以戎政非家彥不可特留任李白成逼京師襄城伯李國禎督京營帝又命中官王

德化盡督內外軍務二人皆不知兵悉發三大營軍出營城外家彥爭不得由是守陴者少諸軍旣出城見賊輒降賊卽驅攻城城上人皆其儕益無固志廷臣分門守家彥守安定門號令進止悉由中官沮諸臣不使登城又絕叛賊杜勳上與密約而去兵部尚書張縉彥疑有異急上聞帝手敕縉彥登城察視家彥從之中官猶固拒示以手勅乃許問勳安在曰去矣又言秦晉二王亦欲上城家彥曰二王旣降賊卽賊也安得上見勢不支頓足哭偕縉彥詣宮門請對不得見十九日黎明城陷家彥望闕叩頭投城下不死縊於民舍而絕福王時贈太子太保兵部尚書諡忠端本朝賜諡忠毅

孟兆祥字允吉交河人舉於鄉九赴會試天啓二年始擢第除大理左評事崇禎初遷吏部稽勲主事歷文選員外郎門生謁選請善地兆祥正色責之其人悚然退進稽勲郎中謁假歸起考功郎中忤要人意貶行人司副稍遷光祿丞進少卿歷左通政太僕卿旋進通政使十七年二月拜刑部右侍郎三月宣府陷賊薄都城詔大臣登陴分守兆祥駐正陽門防衛嚴固時城守惟中官爲政襄城伯李國禎統京營軍稽月餉不予士卒咸怒無固志未幾城陷或勸兆祥還邸厲聲曰社稷已覆吾將安之仰天號慟冠帶望闕拜曰臣力止此矣謀國無能死有餘憾遂自經長子章明字綱宜甫成進士兆祥語之曰我大臣義當死汝未受職可去對曰人生大節

惟君與父君父死臣子何生爲亦投繯死兆祥妻呂章明妻王相向哭旣而曰彼父子死忠矣我二人可不死節乎亦同日竝縊死福王時贈兆祥刑部尚書諡忠貞章明河南道御史諡節愍

本朝賜兆祥諡忠靖章明貞孝

施邦曜字爾翰餘姚人萬曆四十一年進士不樂爲吏改順天武學教授歷國子博士工部營繕主事進員外郎魏忠賢興三殿工諸曹郎悉奔走其門邦曜獨不往忠賢欲困之令倣嘉靖舊制作獸吻其製莫可考夢神告之發地得吻嘉靖中所餘也忠賢遂不能難遷屯田郎中稍遷漳州知府盡知屬縣奸盜主名每發輒得闔郡驚爲神盜劉香李魁奇橫海

上邦曜繫香母誘之香就擒魁竒援鄭芝龍事請撫邦曜言於巡撫鄒維璉卒討平之遷福建副使左參政四川按察使福建左布政使所至潔已愛民聲籍甚歷兩京光祿寺卿改通政使少詹事黃道周謫官復逮下詔獄國子生涂仲吉上書訟之邦曜不爲封進而大署其副封曰書不必上論不可不存仲吉劾邦曜阻抑言路邦曜遂以副封上帝見其署語怒奪職歸踰年言官交薦起南京通政使入都陛見陳學術吏治用兵財賦四事帝改容納焉出都三日命中使召還曰南京無事留此爲朕効力吏部推爲刑部右侍郎帝曰邦曜清執可左副都御史時崇禎十六年十二月也初浙江有許都之亂紹興推官陳子龍平之其餘黨猶未靖子龍遽遷去

邦曜請改子龍兵科給事中留浙撫禦涂仲吉之上書也帝下之詔獄掌錦衣者謂左通政馬思理庇仲吉致赴獄愆期帝怒并思理下吏罪遣戍至是邦曜爲思理訟冤請召用帝以兩浙供億久不至遣中官王坤及給事中三人往督邦曜請停遣中官未報會賊薄近郊邦曜語兵部尚書張縉彥急厲士卒固守檄天下兵勤王縉彥不爲意邦曜太息去城陷急趨長安門聞帝崩慟哭曰君殉社稷矣臣子可偷生哉卽解帶自縊其僕趨救稍蘇厲聲曰若輩不知大義毋誤我賊滿衢巷不獲還邸舍望門求縊輒爲居民所麾乃命家人市信石雜燒酒卽途中服之血迸裂而卒邦曜少好王守仁學以理學文章經濟三分其書讀之劉宗周講學畿山邦曜往

復叩擊宗周深契焉魯時生者里同年生也官庶吉士歿京師邦曜手治舍歛以女妻其子嘗買一婢命灑埽至東隅捧篋凝視而泣怪問之曰此先人御史宅也時墮環茲地不覺悽愴耳邦曜卽分嫁女資擇士人歸之福王時贈太子少保左都御史諡忠介

本朝賜諡忠愍

凌義渠字駿甫烏程人天啓五年進士除行人崇禎三年授禮科給事中溫體仁柄政義渠其里人無所附麗二河知縣劉夢煒失餉銀三千責償急自縊死有司責其家義渠言以金錢殞命吏恐天下議朝廷重金意不在盜也帝特原之宜興溧陽及遂安壽昌民亂焚掠巨室義渠言魏羽林軍焚領

軍張彝第高歡以爲天下事可知日者告密門漸啓藩國悍宗入京越奏里閭小故叫閹聲冤乃至僕豎侮家長下吏箝上官市僧持縉紳此春秋所謂六逆也天下所以治恃上下之分防維決裂無復界限卽九重安所藉以提挈萬靈役使羣動哉給事中劉含輝劾體仁擬旨夫當被貶二秩義渠言諫官不得規執政失而委申飭權於部院反得制言路恐大臣以攬權爲奉旨小臣以結舌爲盡職將貽國家無窮憂時韙其言兵部尚書張鳳翼敘廢將陳壯猷功爲給事中劉昌所駁昌反被斥義渠言今上下盡相蒙而疆場欺蔽爲甚官方皆濫徇而武弁倖功爲甚中樞不職捨其大摘其細已足爲言者羞乃辨疏一入調用隨之自今奸弊叢生功罪倒置

言者悉杜口矣不納三遷兵科都給事中先後劾湖廣總兵官秦翼明不勝任河南總兵官左良玉縱軍淫掠廣東總兵官陳謙誘取番舶諸人多獲譴時議廢鄖陽撫治大臣命總理尚書熊文燦移鎮義渠持寢之東江自毛文龍後叛者接踵義渠言東島孤懸海外轉餉艱向仰給朝鮮今路阻絕不得食內潰可慮居無何衆果潰挾帥求撫義渠請陽撫陰勦同惡必相戕及命新帥出海義渠云殲渠散黨宜速速則可圖功遲則更生他釁後其語皆驗義渠居諫垣九年建白多不當出外河南人曹鳳禎賄中舉人義渠居禮科時議黜之鳳禎外舅劉安行與義渠同官力阻不得至是掌吏科挾前憾出義渠福建參政義渠憤言爲安行所排會有糾發前事

者安行下吏除名義渠乃之任尋遷按察使轉山東右布政使所至有清操召拜南京光祿寺卿署應天尹事十六年入爲大理卿明年三月賊犯都城有旨召對趨赴長安門旦不啓扉俄傳城陷義渠乃還已得帝崩問負牆哀號首觸柱血流被面門生勸無死義渠厲聲曰吾與爾道義交當相勗何姑息爲揮使出據几端坐義渠終身蔬食無他嗜好性獨愛書乃取生平所閱書籍盡焚之曰無被賊手污也次日具緋衣向闕拜復南向稽首作書辭父闔戶自經年五十二福王時贈刑部尚書諡忠清

本朝賜諡忠介

以頻歲用兵海內勞苦遣詞臣分諭諸藩世奇使山東湖廣江西諸王府所至却餽遺還進左諭德父憂歸服除會延儒再相世奇遠權勢不入都及還朝進左庶子則延儒已賜死親暱者率避去世奇力經紀其喪時寇警日聞帝數召廷臣問計世奇言弭亂以人心爲本闖獻二賊除獻易除闖難獻專刑戮人所畏闖佯不殺人所附也今欲收人心在勅督撫鎮將嚴束伍部令兵不虐民人心親附賊勢乃孤帝稱善爲下詔申飭已賊薄都城諸大臣無能畫一策世奇太息泣下曰事已不可爲吾死而已城陷世奇方早食投筯起問帝安在或言已出城明日知帝崩東宮二王被執曰吾得死所矣其僕曰如太夫人何世奇曰正恐辱太夫人耳作書別母

衣冠捧所署司經局印望闕拜曰臣不能報國一死謝陛下將自經二妾朱李盛飾前世奇訝曰若以我死將辭我耶對曰主人盡節我二人拜辭從死耳世奇曰有是哉二妾拜訖竝先縊死世奇乃自縊福王時贈禮部右侍郎諡文忠

本朝賜諡文肅世奇砥礪名行居館閣最有聲好推引後進不妄取與居父憂時蘇州推官倪長圩其門人也以贖鍰三千金助喪辭曰蘇大饑留此賑民可也長圩以三百金犒從者立送所司爲鄉邑修學費其疎財樂義如此

吳麟徵字聖生海鹽人天啓二年進士除建昌府推官捕劇盜擒豪猾治聲日聞父憂歸補興化府廉公有威僚屬莫敢以私進崇禎五年擢吏科給事中首疏請達下情悉民隱言

甚切至又請精擇郡守言郡守廉縣令不敢貪郡守慈縣令不敢虐郡守精明縣令不敢叢脞宜倣宣宗用况鍾等故事精擇禮遣重以璽書假便宜責令久任民生疾苦吏治臧否使得自達天子時不能行河決蘇家嘴新溝口南下不復東歸海淮揚諸屬邑悉被災督漕侍郎李待問不能治麟徵極論其罪吏部郎中牟道行左遷廣西太平知府麟徵言道行貪污并不當守郡建安知縣徐汝驛用賄首薦贖麟徵發其奸并劾湖廣巡按白士麟廣建生祠立碑播謠頌偽吏亂直諸人多獲譴同官章正宸以劾王應熊下詔獄麟徵論救漏刻博士周長庚疏諂中官且請搜括麟徵力駁其謬尋上疏乞假葬父自引六罪詞甚哀切既去貽言路公揭略言自言

官積輕廟堂之上往往反其言而用之奸人窺見此旨明告君父目爲朋黨自稱孤立下背公論上竊主權諸君子宜盡化沾沾之意毋落其彀中使清流之禍再見明時激成之患貽悔後日居久之還朝劾吏部尚書田唯嘉贓污唯嘉罷去再遷刑科左給事中故相文震孟卒所司不敢聞麟徵爲請恤丁繼母憂服闋起吏科都給事中吏部用人多徇請託麟徵言限年固銓衡敝然舍此無以待中才今遷轉如流不按資俸品級徒開奔競門帝澁然之請勅南京兵部尚書史可法節制江南諸帥控禦流賊姜琛熊開元以劾周延儒下詔獄麟徵論救帝不聽李自成熾而山海關外八城又強半失守十七年二月薊遼總督王永吉聞自成入秦知其必渡

河奏請撤寧遠吳三桂兵守關內大學士陳演不敢決請下撫鎮酌行之既而警報日至羣臣皆言非薊督永吉寧鎮三桂密鎮唐通合力一戰不可帝然之令本兵具奏演言錦州告警寧遠兵必不可調帝召羣臣會議不決獨成國公朱純臣戶部尚書倪元璐刑部侍郎金之俊都給事中孫承澤以爲當調而麟徵爭尤力且言三桂勇將宜拔用無委之敵人今賊旦夕發秦晉若使來扞京師一舉兩得今日之事當揆緩急無論是非也退復具疏力言之演復請下永吉等議永吉等皆以撤關外兵入援爲便帝俞之永吉聞命三月初出關與三桂徙寧遠衆五十萬日行數十里十六日入關二十日抵豐潤而京師已陷矣故事吏垣長無出外者帝欲令給

事御史內外兼用以習民事會吏部推麟徵京卿旨言未歷監司不得內擢麟徵乃移牒吏部求外補吏部以麟徵望重再推太常少卿帝亦報允未幾賊薄京師麟徵守西直門賊詐爲勤王兵請入中官欲納之麟徵不可以土石堅塞其門募死士絕城襲擊多所斬獲乘間入朝欲見帝白事至午門遇大學士魏藻德引麟徵手曰國家如天之福必無他虞旦夕兵餉集公何匆遽爲引之出乃復登陴明日城陷麟徵欲還邸已爲賊所據乃入道旁祠作書決家人曰祖宗二百七十餘年宗社一旦至此雖上有亢龍之悔下有魚爛之殃而身居諫垣無所匡救法當禡服殮用角中青衫覆以單衾足矣解帶自經家人救之甦環泣請曰待祝孝廉至一決可乎

許之祝孝廉名淵以救劉宗周下獄與麟徵善者也時給事中高翔漢漢中人受賊顯職來說麟徵降麟徵怒叱之去明日淵至麟徵慷慨曰憶登第時夢隱士劉宗周吟文信國零丁洋詩今山河碎矣不死何爲酌酒與淵別自經死淵爲視含殮乃去福王時贈兵部右侍郎謚忠節

本朝賜謚貞肅

周鳳翔字儀伯浙江山陰人崇禎元年進士改庶吉士授編修遷南京國子司業靈璧侯奴辱諸生鳳翔執付法司祭酒許士柔爲檢討時嘗換都御史高攀龍誥文閱十年未給及張至發當國銜士柔以新令誥詞不得用駢語劾士柔違令貶其官鳳翔不平抗疏言故事詞臣撰文不當閣臣裁之否

則令改撰未有徑彈劾者誥敕用寶歲有常期未有十年後用寶進呈吹求當制者贈誥專屬中書崇禎三年所申飭未有追咎元年史官詆爲越俎者攀龍純忠直節爲陛下所褒一旦毛舉細故舞文反汗俾忠良色沮非所以勵當今示後世疏雖不行士論韙之歷中允論德爲東宮講官嘗召對平臺問滅寇策言論慷慨帝爲悚聽軍需急議稅間架錢鳳翔曰事至此急宜收人心尚可括民財搖國勢耶昔賢謂民心一失不可復收國勢一傾不可復振正謂是也尚書倪元璐亟稱其言叵何京師陷莊烈帝殉社稷有譌傳駕南幸者鳳翔不知帝所在趨入朝見魏藻德陳演侯恂宋企郊等羣入而賊李自成據御坐受朝賀鳳翔至殿前大哭急從左掖門

趨出賊亦不問歸至邸作書辭二親題詩壁間自經死其詩有碧血九原依聖主白頭二老哭忠魂天下誦而悲之去帝崩纔兩日也福王時贈禮部右侍郎諡文節

本朝賜諡文忠

劉理順字復禮杞縣人萬曆中舉於鄉十赴會試至崇禎七年始中式及廷對帝親擢第一還宮喜曰朕今日得一耆碩矣理順素有學行朝士咸稱帝知人理順益感激其鄉人爭羨之理順曰昔王曾志不在溫飽吾豈異是且憂懼方始何羨爲拜修撰益勤學朝退輒鍵戶讀書非其人不與交十二年春畿輔告警疏陳作士氣矜窮民簡良吏定師期信賞罰招脅從六事下所司議行因蠲畿輔山東被兵逋賦歷南京

司業左中允右諭德入侍經筵兼東宮講官楊嗣昌奪情入閣理順昌言於朝嗣昌怒奪其講官開封垂陷理順大慟曰中原破則京師危矣建議河北設重臣練敢死士爲後圖疏格不行楊嗣昌薛國觀周延儒迭用事理順一無所附麗出溫體仁門言論無少徇十七年三月賊犯京師急理順詣朝房謂諸執政曰守卒缺餉陰雨饑凍急宜請內帑鼓勇士背城一戰或堅守以待勤王師不然大事去矣衆唯唯理順太息歸悉捐家貲分犒守城卒僚友或問進止正色曰存亡視國尚須商酌耶城破妻萬妾李請先死理順許之俟其既絕具袍笏北向再拜入別宗祠大書曰成仁取義孔孟所傳文信踐之吾何不然既占科名豈敢苟全三忠祠內無愧前賢

書畢投繯死年六十三僕四人皆從死羣盜多中州人聞其死入唁曰此吾鄉杞縣劉狀元也居鄉厚德何遽死羅拜號泣而去後贈詹事諡文正

本朝賜諡文烈

汪偉字叔度休寧人崇禎元年進士除慈谿知縣政績大著十一年帝念寇氛日熾擇知推治行卓絕者入翰林以備大用偉擢檢討尋以治祖母葬歸還朝充東宮講官十六年賊陷承天荆襄偉以留都根本可慮上江防綢繆疏言金陵城週百二十里雖十萬衆不能守故議者謂無守城法止有防江法賊自北來則淮安爲要自上而下則九江爲要禦淮卽所以禦江守九江卽所以守金陵也准有史可法屹然保障

矣九江一郡宜設立重臣以鎮之上而武昌下而太平采石浦口各命南京兵部大臣建牙分闔則聲援接而金陵之門戶固矣南京兵部與操江事不相涉操江欲用兵而無人兵部有重兵而無用宜令緩急相應而府尹府丞之官亟重其權久其任聯百萬士民心以分兵部操江之責因言清議所歸如御史詹兆恒葉樹聲楊四重故御史郭維經成勇故巡撫袁繼咸方孔炤等宜以備督撫京兆之選帝嘉納之九江乃特設總督又言兵額旣虧宜以衛所官舍餘丁補伍操練修治兵船以資防禦如額餉不足則暫借鹽課漕米以給之前後所條奏皆切時務明年三月賊兵東犯偉語閣臣事急矣亟遣大僚分守畿郡一切便宜從事都中城守則文自內

閣武自公侯伯以下各率子弟畫地分守庶民統以紳士家
自爲守而京軍分番巡徼以待勤王之師魏藻德曰大僚守
畿輔誰肯者偉曰此何等時猶較尊卑計安危耶請以一劇
郡見委藻德哂其早計未幾真定游擊謝嘉福殺巡撫徐標
迎賊偉泣曰事至此乎作書寄友人曰賊據真定奸人滿都
城外郡上供絲粟不至諸臣無一可支危亾者如聖主何平
時誤國之人終日言門戶而不顧朝廷今當何處伸狂喙耶
賊薄都城守兵乏餉不得食偉出貲市餅餌以饋已而城陷
偉歸寓語繼室耿善撫幼子耿泣曰我獨不能從公死乎因
以幼子屬其弟衣新衣上下縫引刀自剄不殊復投繯遂絕
時年二十三偉欣然曰是成吾志移其屍於堂援筆書壁曰

翰林院檢討東宮日講官汪偉同繼室耿氏死節貽子觀書
勉以忠孝乃自經福王時贈少詹事諡文烈

本朝賜諡文毅

吳甘來字和受江西新昌人父之才西安府同知甘來與兄
泰來同舉鄉試崇禎改元甘來成進士授中書舍人後三年
泰來亦成進士授南京太常博士五年甘來擢刑科給事中
伉直敢言戶部尚書畢自嚴下獄抗疏救之帝重法繩下朝
士坐大辟者累累甘來疏請停刑蕪湖設關商舟多覆沒甘
來請罷征七年西北大旱疏言秦晉間人相食父子兄弟不
相顧陛下發粟以賑猶恐被澤者少乃山西難民半爲總兵
官張應昌等殺以冒功中州諸郡畏曹變蛟兵甚於賊臣實

痛之又言賞罰者將將大機權也陛下加意邊陲賞無延格乃紅夷獻俘黔蜀爭功昌黎死守功猶待勘急則用其死緩則束以文法且封疆之罰武與文二內與外二士卒與將帥二受命建牙或逮或逐以封疆罪罪之而跋扈將帥罪狀已暴止於戴罪偏裨不能令士卒將帥不能令偏裨督撫不能令將帥將聽賊自來自去誰爲陛下翦凶逆者帝納其言爲下令申飭吏部侍郎張捷薦用呂純如甘來疏爭且劾捷宜罷事乃止憂歸服闋起吏科進兵科右給事中乞假歸十五年起歷戶科都給事中列上練兵足餉十事又陳開礦之害時封疆大吏多假護藩名棄封守移善地致列城崩潰甘來極論其弊一日帝詰戶部尚書倪元璐餉額甘來元璐門

生也進曰臣科與戶曹表裏餉可按籍稽臣所慮者兵聞賊而逃民見賊而喜恐不特無餉之患宜急輕賦稅收人心帝領之甘來邁疾連請告會帝命編修陳名夏掌戶科甘來喜得代不數日賊薄都城時泰來已官禮部員外郎甘來屬歸事母而已誓必死明日城陷有言駕南幸者甘來曰上明日且決必不輕出乃疾走皇城不得入返作絕命辭畢盡取疏草焚之曰當賊寇縱橫徒持議論無益毫末留之鈞後世名罪彌大耳正衣冠北向拜投繯死福王時贈太常卿諡忠節本朝賜諡莊介

王章字漢臣武進人崇禎元年進士授諸暨知縣少孤母訓之嚴及爲令祖帳歸少暮母訶跪于杖曰朝廷以百里授酒

人乎章伏地不敢仰視親友爲力解乃已治諸暨有聲甫半歲以才調鄞縣諸暨民與鄞民爭挽章至相譁治鄞益有聲數注上考十一年行取入都時有考選翰林之命行取者爭奔競給事中陳啓新論之帝怒命吏部上訪冊罪廷臣濫徇者尚書姜逢元王業浩給事中傅元初御史禹好善等六人聞住給事中孫晉御史李右讜等三人降調給事中劉含輝御史劉興秀等十一人貶二秩視事吏部尚書田維嘉等乃請先推部曹凡推二十二人章與焉授工部主事章及任濬涂必泓李嗣京欲疏辨憚爲首獲罪李士淳者老矣四人不告而首其名士淳知之懼且怒與章等大詬而帝知維嘉有私詔許與考又以爲首者必名士也擢士淳編修章等皆御

史章上疏請罷內操屢陳江南旱饑請寬逋賦又劾內臣冒功詞甚侃直明年出按甘肅持風紀飭邊防西部寇莊浪巡撫急徵兵章曰貧寇索食耳策馬入其帳衆羅拜乞降乃稍給之食洪化番者僧也寺建永樂時歷年久人畜繁盛屢構訟諸將利其貲議兵之章持不可遣官爲解釋兩河旱章檄城隍神曰御史受錢或戕害人神殛御史毋虐民神血食茲土不能請上帝蘇一方當奏天子易爾位檄焚兩大注衛所官有犯舊令輸餉贖罪繫纍無已時章奏於朝嚴責治而免其罰邊卒貸武弁金償以賊首武弁以冒功坐是數召邊釁章著令非大舉毋得以零級冒功巡撫劉鎬貪惰劾去之所部十道監司劾罷其四居二年以母憂歸服闋還朝命巡視

京營時李自成已陷山西警一日數至章按籍額軍十一萬有奇喜曰兵至十萬猶可爲也及閱視半死者餘冒伍億甚矢折刃缺聞礮聲掩耳馬未馳輒墮而司農缺餉半歲不發章屢疏請發內帑不報踰月賊陷真定京師大震襄城伯李國禎發營卒五萬營城外章與給事中光時亨守阜城門三堞一卒三月初登陴閱十日始一還邸櫛沐易新衣冠家人大駭章不應賊傳城下章手發二砲賊少却頃之各門砲聲絕時亨攝章走章厲聲曰事至此猶惜死耶時亨曰死此與士卒何別入朝訪上所在不獲則死死未晚也章從之與時亨並馬行俄賊突至疾呼下馬時亨倉皇下長跪乞降章持鞭不顧叱曰吾視軍御史也誰敢犯賊刺章股墮章罵曰逆

賊勤王兵且至我死爾輩滅不旋踵矣賊怒攢槊刺殺章抵暮家人覓屍猶一手據地坐張口怒目勃勃如此賊狀妻妾在籍聞之一慟而卒福王時贈大理寺卿諡忠烈

本朝賜諡節愍次子之棧仕閩爲職方主事亦死難

陳良謨字士亮鄞人崇禎四年進士授大理推官初名天工莊烈帝慶事上帝詔羣臣名天者悉改之乃改良謨在職六年兩注上考行取陞見擢御史十二年出按四川張獻忠羅汝才等猖獗甚督師楊嗣昌議盡驅入蜀蹙而殲之檄諸大帥環集鄖襄良謨曰是將以蜀爲壑也躬閱關隘嚴飭文武將吏爲堵剿計總兵官羅尚文貪殘嗜酒舉奏之尚文爲少戢期滿當還特留任詔良謨專護蜀王巡撫邵捷春專辦賊

良謨飭守具檄屬城堅壁清野數調諸將出擊賊犯成都良謨遣將列要害爲犄角勢一再戰賊潰奔帝聞賊擾蜀數下詔責良謨後知其堅守狀乃優旨賜銀幣及還朝賊勢益迫良謨數有所規畫皆廢格不行未幾京師陷良謨念母老已未有子而妾時氏方有娠乃謂之曰吾且死汝幸任身急歸父母家時泣曰公殉國妾不當殉公耶且一婦人躑躅鋒刃間倘不幸有他不如無子良謨喜曰能如是乎妾乃先就縊既死良謨整衣冠望闕拜亦自縊死時氏京師人年十八侍良謨百有三日耳福王時良謨贈太僕卿諡恭愍時氏贈孺人

本朝賜諡恭潔

陳純德字靜生零陵人爲諸生以學行稱困場屋四十餘年夜泊洞庭爲盜窘躍出墮水再躍入洲渚比曉坐蘆葦中去泊舟數十丈尋舉崇禎十三年進士年已六十矣莊烈帝召諸進士咨以時事純德奏稱旨立擢御史明年巡按山西感帝知盡心職業七月部內嚴霜八月大雪民多凍餒純德請恤因極陳抽練之弊言兵一抽則人失故居無父母妻子之依田園丘壠之戀思歸則逃逢敵卽潰抽餘者旣以餉薄而安於無用抽去者又以遠調而不樂爲用伍虛而餉仍在不歸主帥則歸偏裨且樂其逃而利其餉凡藉以營求遷秩皆是物也精神不用以束伍而用以侵餉厚餉不用以養士而用以求官伍虛則無人安望其練餉糜則愈缺安望其充此

今日行間大弊也帝不能用還朝陳時務七事請下罪已詔蘇民疾苦急收人心尋督畿輔學政故事督學御史用資深有望者純德資淺以清望得之十七年三月將出按部因賊警復還都城陷賊下令百官以二十一日入見純德隨衆入還邸慟哭作書別父母朝服北向再拜自經死福王時贈太僕卿諡恭節

申佳胤字孔嘉永年人崇禎四年進士授儀封知縣縣故盜藪佳胤嚴保甲法奸無所容澤雨河決艤舟怒濤中率衆塞其口捕大猾置之法以才調祀縣八年賊埽地王率萬人攻城城土垣多圯佳胤固守募死士擊賊賊卒引去佳胤因饑其城唐王聿鍵勸王將抵開封諸大吏惶恐集議曰留之不

聽行守土者且獲罪佳胤曰惟周王可留之衆稱善用其計治行卓異擢吏部文選主事上備邊五策多議行進考功員外郎佐京察頗忤權要大學士薛國觀傾少詹事文安之連及佳胤左遷南京國子博士安之佳胤座主也久之遷大理評事進太僕丞座主周延儒當國未嘗謁見延儒死爲經紀其喪十七年出近畿閱馬聞李自成破居庸流涕曰京師必不守矣君父有難焉所逃乎疾馳入都遍謁大臣爲畫戰守策皆不省貽子涵光書曰行已曰義順命曰數義不可背數不可違吾受國恩當以死報已京師陷冠帶辭母策馬至王恭廠將投井從者請易服以避佳胤曰吾起微賤食祿十三年國事至此敢愛死乎兩僕環守不去給之曰我將擇善地

下馬旁見灌畦巨井急躍入僕號呼欲出之佳盾亦呼曰告太安人有子作忠臣勿過傷也遂死年四十二福王時贈太僕少卿諡節愍

本朝賜諡端愍

成德字元升霍州人依舅氏占籍懷柔舉崇禎四年進士除滋陽知縣性剛介清操絕俗疾惡若讐頗好擊斷文震孟入都德郊迎執弟子禮語刺温體仁體仁聞而恨之兗州知府增餉額德固爭又嘗捕治其爪牙吏知府怒讒於御史禹好善好善體仁客也遂誣德貪虐逮入京滋陽民詣闕訟冤震孟在閣亦言其枉德道中具疏極論體仁罪而震孟已被體仁擠去好善再劾德言其疏出震孟手帝不之究德母張伺

體仁長安街繞輿大罵拾瓦礫擲之體仁恚疏聞於朝詔五城御史驅逐移德鎮撫獄掠治杖六十午門外戍邊坐贓六千有奇而給體仁校尉五十人護出入德居戍所七年用御史詹兆恒薦起如臯知縣尋擢武庫主事以母老三疏力辭不允乃就道至則上言年來中外多故居官者爵祿迷心廉恥道喪其寧淡自將矢死靡他者在北則舊太常鹿善繼在西則舊太守祝萬齡耳陛下御極十七年何仗節死義之寥寥也宋臣張栻有言仗節死義之臣當於犯顏諫諍中求之夫犯顏諫諍何難在朝廷養之而已表厥宅里所以伸忠臣孝子於生前殊厥井疆所以誅亂臣賊子於未死苟死敵者無功則媚敵者且無罪死賊者褒揚不亟則從賊者恬而不

知畏也還朝甫三月京師陷聞帝崩慟哭持雞酒奔奠梓宮前觸地流血賊露刃脅之不爲動莫畢歸家有妹年二十餘因家難未嫁德顧之曰我死汝何依妹請先死德稱善哭而視其縊繼室霍請繼之德痛不及視入別其母哭盡哀出而自縊母見子女及子婦皆死亦投繯死先是懷柔城破德父文桂遇害家屬盡沒妻劉在京以徵德賊急憂悸死至是又闔門死難惟幼子先寄友人家獲存福王時贈光祿寺卿諡忠毅

本朝賜諡介愍

許直字若魯如臯人崇禎七年成進士出文震孟門以名節自砥除義烏知縣清操皜然母憂歸哀毀骨立終喪蔬食寢

柩旁補廣東惠來縣用清望徵授吏部文選主事進考功員外郎賊薄都城約同官出貲饗士爲死守計城陷賊令百官報名直曰身可殺志不可奪堅不赴有傳帝南狩者直將往從見賊騎塞道出門輒返曰四面兵戈駕焉往國亂不匡君危無濟惟一死而已已知帝崩一慟幾絕客以七十老父爲解直曰不死辱及所生乃作書寄父賦絕命詩六章闔戶自經死福王時贈太僕卿諡忠節

本朝賜諡忠愍

金鉉字伯玉武進人占籍順天之大興祖汝升南京戶部郎中父顯名汀州知府鉉有大志少以聖賢自期年十八舉鄉試第一明年崇禎改元成進士不習爲吏改揚州府教授日

進諸生闡濂洛正學燕居言動俱有規格諸生嚴憚之歷國子博士工部主事官張彝憲奉勅總理戶工二部將別建公署鉉恥為屈抗疏言建署非體恐諸曹奔走承順罹交結之條隳廉恥之節忤旨不納署既成彝憲檄諸曹謁見視堂官禮鉉憤然曰是欲屬吏我耶復抗疏曰彝憲監視錢穀未嘗有堂屬相臨之體今乃違陛下勅諭乖祖宗典制抗顏昧心妄自尊大以聖朝迪簡之臣子令罄折僂強抑刑餘下不亦輕朝廷辱一世之士耶況從此奔趨納結彼日驕此日諂干憲與壞士風弊胡可勝言臣自矢無玷生殺予奪一聽至尊決不敢匍匐彝憲之庭犯交結近侍律疏入益忤旨責以沽名鉉乃約兩部諸僚有私謁者衆唾其面彝憲愠甚鉉

當權稅杭州辭疾請假彝憲乃撫火器不中程劾鉉落職杜門謝客環堵蕭然躬爨以養父母學日益邃有詢以宗旨者正色曰日用躬行未之有得何宗旨為朝士仰其賢薦章屢上十七年春始起兵部主事巡視皇城京師陷鉉慟哭急趨入朝見官人狂奔出知帝已崩解牙牌北向四拜投金水河從者力挽之鉉怒奮臂躍入死母章妾王弟銖竝同日死福王時贈太僕少卿謚忠節

本朝賜謚忠潔自范景文至鉉二十人皆自引決其他率委蛇見賊賊以大僚多誤國槩囚繫之庶官則或用或不用者下吏政府銓除不用者令諸將劫掠取其貲大率降者十七刑者十三福王時以六等罪治諸從逆者而褒恤忠臣甚至

文武臣殉難並予贈廕祭葬且建旌忠祠於都城祀景文以下二十人及大同巡撫衛景瑗宣府巡撫朱之馮布衣湯文瓊諸生許琰四人曰正祀文臣祀新樂侯劉文炳惠安伯張慶臻襄城伯李國禎駙馬都尉鞏永固左都督劉文耀山西總兵官周遇吉遼東總兵官吳襄七人曰正祀武臣祀太監王承恩一人曰正祀內臣祀烈婦成德母張氏金鉉母章氏汪偉妻耿氏劉理順妻萬氏妾李氏馬世奇妾朱氏李氏陳良謨妾時氏吳襄妻祖氏九人曰正祀婦人又祀進士孟章明及郎中徐有聲給事中顧鉉彭瑄御史俞志虞徐標朱廷煥七人曰附祀文臣祀成國公朱純臣鎮遠侯顧肇迹定遠侯鄧文明武定侯郭培民陽武侯薛濂永康侯徐錫登西寧

侯宋裕德懷寧侯孫維藩彭武伯楊崇猷宣城伯衛時春清平伯吳遵周新建伯王先通安鄉伯張光燦右都督方履泰錦衣衛千戶李國祿十五人曰附祀武臣祀太監李鳳翔王之心高時明褚憲章方正化張國元六人曰附祀內臣有司春秋致祭然顧鉉彭瑄俞志虞輩特爲賊拷死諸侯伯亦大半以兵死而郎中周之茂員外郎甯丞烈中書宋天顯署丞于騰雲兵馬指揮姚成知州馬象乾皆以不屈死顧未邀贈恤也有聲字聞復金壇人登鄉薦崇禎十三年特擢戶部主事歷員外郎郎中督餉大同城陷被執不屈死福王時贈太僕少卿標字準明濟寧人天啓五年進士崇禎時歷官淮徐道參議十六年二月超擢右僉都御史巡撫保定陞見請重

邊防擇守令用車戰禦敵招流民墾荒帝深嘉之李自成陷山西警日逼加標兵部侍郎總督畿南山東河北軍務仍兼巡撫移駐真定以遏賊無何賊遣使諭降標毀檄戮其使二月賊別將掠畿輔真定知府丘茂華移妻孥出城標執茂華下之獄中軍謝加福伺標登城畫守禦策鼓衆殺之出茂華於獄數日而賊至以城降福王時贈標兵部尚書廷煥單縣人崇禎七年進士除工部主事歷知廬州大名二府卽以兵備副使分巡大名十七年賊逼畿輔廷煥嚴守備賊傳檄入城怒而碎之三月四日賊來攻軍民皆走城遂陷被執不屈死福王時贈右副都御史之茂字松如黃麻人崇禎七年進士歷官工部郎中服闋需次都下賊搜得之迫使跪不屈折

其臂而死丞烈字養純大興人舉於鄉歷魏縣教諭戶部司務進本部員外郎筦太倉銀庫城陷自經於官解天顯松江華亭人由國子生官內閣中書舍人爲賊所獲自經死騰雲順天人爲光祿署丞賊至語其妻曰我朝臣汝亦命婦可污賊耶夫婦並服命服從容投繯死成字孝威餘姚人由禮部儒士爲北城兵馬司副指揮城陷自縊死象乾京師人舉於鄉官濮州知州方里居賊入率妻及子女五人並縊死至若御史馮垣登兵部員外郎鄭逢蘭行人謝于宣皆拷死郎中李逢申拷掠久之逼令縊死與鉉瑄志虞皆獲贈太僕少卿而垣登于宣至諡忠節行取知縣鄒逢吉拷死贈太僕寺丞時南北阻絕皆未能核實也文瓊瑛事載忠義傳

而進登千官

李發中許燕人

噤少部且登兵將

濼官難惟朕朕

需士為北地兵

烟孤夫執極地

鄒天人為大

華亭人由國

其

其

其

其

其

其

其

其

其

其

其

其

其

其

其

